

GRATIS

# AWF Mainta

e corant di Toko



Your address for the best software and support.

**VCC**  
International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

**M-Files**

**Exact**

**software**

**Payroll Pro**

**Commence**  
Relationship Management

Tel.: 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)



**MINI  
MEGA  
MEGA PLUS**

Awo cu 2 florin mas, bo por gana e **MEGA PLUS**

\* Afl.

**430.000,-**

\* Afl. 330.000 + Afl. 100.000  
extra

Obtenibel na cualkier rebendado di Lotto.

sorteo ta awe noch!





Aumento di edad di pensioen ta bay den fase di 10 aña

## Minister Yrausquin "Hende mester haya oportunidad pa adapta na e cambio"

**SIMAN** pasa e protocol pa loke ta subi edad di pensioen pa 65 aña y aumenta e prima di AOV a wordo firma. Awor e ley ta bay Consejo Consultativo y despues Parlamento pa eyden haci e cambionan necesario. Durante e simannan di negociacionnan otro temanan cu ta regarda goberno tambe a wordo discuti. Partnerman den Dialogo Social a expresa nan preocupacion pa loke ta e cantidad di ambtenaarnan cu ta cobra, pero no ta traha. E tempo a yega pa haci algo na e fenomeno aki. Minister Juan David Yrausquin kende ta maneha e cartera di Finanzas di pais Aruba a splica riba esaki. "Den e prome kwartaal di 2014 e temanan aki ta bay wordo discuti den Dialogo Social. Bo ta wak toch un sentido grandi di responsabilidad di gremionan. Di e forma aki nos tin un maneho mas coherente y mas na beneficio di nos ciudada-

nonan en general y di nos futuro generacionnan" Papiando riba e protocol cu a wordo firma Yrausquin ta bisa cu ta uno cu pa hopi aña caba ta den discusion. Na cierto momento e responsabilidad mester wordo asumi y a haci esaki. "Mi ta orguyoso di e decision. Mi ta orguyoso tambe di esnan cu a contribui na yega na e decision aki. Un decision cu ta bay percura pa un maneho mas sostenibel riba largo plazo y tambe pa salvaguardia e fondo di AOV di nos grandi nan".

E motibo cu a scoge pa introduci e cambionan pa prome di januari 2015 ta pasobra cu gobierno no ta kere den cambionan abrupto. Esaki Minister di Finanzas a splica pa loke ta e aña di implementacion di edad di pensioen. "Hende mester por planea nan bida. Edad di pensioen ta un tema den discusion pa hopi aña caba,

pero toch mester duna hende oportunidad pa custumbra cu e cambio. Tempo pensioen a wordo introduci e tabata caba na 65 aña, pero e averahe cu un hende tabata biba tabata 70 aña. Awor e edad ta na 60 aña y nos ta biba te un averahe di 80 aña. E decision pa cambia edad di pensioen mester a wordo tuma hopi aña pasa caba. Sinembargo awor el a wordo tuma y nos mester duna tur hende e tempo pa adapta na e realidad nobo aki. Ta pesey mes tambe cu ta implementa e edad di 65 aña den fase". Pa loke ta e fasenan aki tin un tabel traha cu ta bon pa comunidad tuma bon nota di dje.

Yrausquin ta splica cu e forma con e edad di pensioen ta wordo implementa ta un aspecto importante. "E ley ta na caminda pa Consejo Consultativo y despues e ta bay Parlamento cu e consejo cu el a haya. Nos

ta spera cu Parlamento tambe duna su sosten na e leyman. Na final di dia Parlamento ta e organo cu ta dicidi riba e tema aki".

Minister Yrausquin a bisa cu e topico aki ta den programa di partido y di gobernacion. "Nos a bisa semper cu e fondonan di seguridad social y nos pensioen ta temanan cu mester wordo atendi. Nos a bay campaña cu e temanan aki, bisando semper cu e forma con e lo wordo ehecuta

ta bay den dialogo. Nos a hiba e dialogo pa e ultimo simannan aki. Na final esaki ta e decisionnan cu a sali". Yrausquin kier duna elogio na tur e gremionan cu a participa den e Dialogo pa e responsabilidad cu nan a asumi pa loke ta e tema aki. Tambe e kier a gradici tur e otro nan cu a discuti simannan largo cu gobierno y e diferente partnernan cu awe tin un decision na bienestar di Aruba, seguridad social y futuro generacionnan.

Edad pa por cobra AOV	
Esnan cu a nace entre	
1 januari 1955 – 30 juni 1955	60.5 aña
1 juli 1955 – 31 dec 1955	61 aña
1 januari 1956 – 30 juni 1956	61.5 aña
1 juli 1956 – 31 dec 1956	62 aña
1 januari 1957 – 30 juni 1957	62.5 aña
1 juli 1957 – 31 dec 1957	63 aña
1 januari 1958 – 30 juni 1958	63.5 aña
1 juli 1958 – 31 dec 1958	64 aña
1 januari 1959 – 30 juni 1959	64.5 aña
1 juli 1959 – 31 dec 1959	65 aña
Vanaf 1 januari 1960	65 aña

## Fact Finding Mission pa New Orleans lo ta na maart 2014

Desaroyando San Nicolas den e di dos capital turistico

**MANERA** ta conoci, den luna di september Ministernan Otmar Oduber y Mike de Meza a reuni cu un grupo di inversionista local pa presenta un idea grandi pa San Nicolas caminda lo desaroya un Carubbian Street siguiendo e concepto di Bourbon Street na New Orleans. Esaki ta forma parti integral di e meta pa haci di San Nicolas e di dos capital turistico di nos isla.

Minister Oduber a indica cu tin desaroyonan sumamente positivo tumando lugar na nos isla pa loke ta trata turismo. Pa por crea e sabor adicional, pa crea e posibilidad adicional pa e turista por sigui gasta, no tin un otro opcion cu inverti den San Nicolas. Gobierno a pone e base, a inverti den un oficina di informacion di turismo na San Nicolas, a percura pa cambionan den infraestructura y ta cla pa cuminsa cu e Green Corridor cu ta bay haci e accesibilidad pa pariba uno mas facil. Igualmente el a menciona inversionnan realisa caba pa tuma over p.e. un Nicolaas Store, drecha Watertoren, crea tur e facilidatnan rond, entre otro.

Mirando esakinan a tuma e decision pa kibra e moratorio pa loke a trata tourbusnan y aloca 15 tourbus nobo cu e unico ruta San Nicolas, a aloca fondonan via

TPEF pa e señalizacion di e luganan di interes y turistico na San Nicolas, a inverti mas di 170 mil Florin pa e buki di ruta di monumento na San Nicolas y e proyecto di segundo fase di Baby Beach cu ta un inversion di 1.7 milyon Florin ta practicamente cla pa cuminsa.

"E base completo tey, Gobierno di parti di ministerio ta compromete pa haci tur loke ta necesario cu e mesun exito cu nos a wak riba un anochi durante Carubbian Festival, expande pa tur dia. E unico ingrediente cu falta ta pa conhuntamente nos tuma e curashi, e iniciativa pa inverti den e area aki. E 100 dollar extra cu nos kier pa wordo gasta no ta bay sali si pone un restaurant mas, si nos pone un café mas den e area cu ya caba ta den cierto forma satura y cu tin su ambiente caba", Minister Oduber a expresa.

E ta agrega cu den tur e rapportnan cu ta wordo traha, tur literatura cu por lesa riba turismo moderno, ta bisa cu gran mayoria di esnan cu ta bishita e isla ta busca cultura, historia y artesanía y nos no ta ofreciendo esaki.

Pa tal motibo Gobierno a tuma e iniciativa y a organisa e presentacion cu e grupo di inversionistanan local, kendenan a mostra un interes hopi grandi pa

cu e proyecto di Carubbian Street. Asina a organisa tambe un Fact Finding Mission pa New Orleans, cual inicialmente lo mester tabata na cuminsamento di december, pero pa motibonan fuera di alcance, esaki a wordo posponi pa luna di maart 2014.

Intencion di e biahe aki ta pa explora e éxito di Bourbon Street, un caya caminda ta haya cultura, arte y historia, similar na loke kier crea na San Nicolas cu e Carubbian Street.

San Nicolas y New Orleans ta comparti e mesun tipo di cultura y arkitectura. Ademas, banda di e éxito di Bourbon Street, New Orleans a reinventa y desaroya exitosamente Magazine Street, un distrito comercial importante conoci pa su tiendanan, restaurantenan y galerianan di arte propiedad di e hendenan local, algo cu sin duda algun Gabinete Mike Eman II lo kier logra

pa San Nicolas cu e Carubbian Street. Minister Oduber a indica cu mirando e serie di incentivosnan fiscal pa San Nicolas, e interés di inversionistanan local lo ta mas grandi ainda y esaki por wordo mira y sinti tambe den e gran interés muestra den e Fact Finding Mission cu lo tuma lugar otro aña, logrando asina un avance den e meta di Carubbian Street y haci di San Nicolas e di dos capital turistico di Aruba.





Minister Juan David Yrausquin

# “Edad di pensioen pa 65 aña di Minister y Parlamentario ta bay di biaha den implementacion”

Pa algun siman caba tin negociacionnan andando den Dialogo Social riba aumento di edad di pensioen di SVb y tambe riba aumento di prima di AOV. Durante e reunionnan aki diferente escenario a wordo discuti y proyecta pa asina tur partner den e dialogo ta riba un liña. Director di SVb ir. Jacobs a duna presentacionnan ampliamente documenta pa asina tur presente por a haya un bon bista con e situacion di e fondo ta. Minister di Finanzas Juan David Yrausquin a splica cu e proposicion pa hisa edad di pensioen no ta algo di awor. “Ya pa hopi aña caba tin discusionnan den nos pais riba e fondo di pensioen di AOV. E discusionnan tabata enfoca con percura pa e fondo

aki wordo salvaguardia riba largo plazo”. Ta un hecho cu den e ultimo 4 añanan a tuma diferente decision pa por a yuda e fondo di AOV cu a duna su resultado alargando bida di e fondo. Minister Yrausquin ta admiti si cu apesar di e ahustenan cu ya a tuma luga den e ultimo 4 añanan, nan no tabata suficiente. E parti di edad cu un hende por bay cu pensioen ta un punto cu mester a wordo defini ainda. “For di aña 2011 a instala un comision consistiendo di gremionan comercial y sindical y eyden mester a yega na un decision con hisa edad di pensioen te na 65 aña. Den e dialogo cu nos a hiba den e ultimo simannan aki tabatin gremionan

comercial cu tabata kier pa a implementa e edad di 65 aña di biaha sin ningun fase. Di otro banda tabatin sindicato cu tin comprension pa e situacion di e fondo, pero ta bisa cu no por implementa un cambio grandi asina di forma diripiente”. Yrausquin a bisa cu basa riba e sentimento cu a wordo sinti for di e gremionan comercial y di sindicatonan y dor di e presentacionnan duna dor di directeur di SVb ir. Jacobs, gobierno a yega na cierto proposicion pa subi e edad na 65 aña den un fase di 10 aña cuminsando 1 di januari 2015. Banda di esaki y den e mesun liña di pensamiento pa salvaguardia e fondo riba termino largo, a bin cu e sugerencia pa adapta e prima di AOV.

Minister Yrausquin “Practicamente di tur banda por a sinti e sosten pa loke a wordo proponi. Algun gremio a duna nan sosten na e protocol ya firm’e. Di parti di gobierno a tuma e decision cu lo manda e ley Parlamento unda cu e cambionan ta bay tuma luga pa di e forma aki salvaguardia fondo di AOV riba termino largo”. Minister Yrausquin a remarca cu mescos cu na 2010 ora e cambionan a tuma luga pa loke ta edad di pensioen pa Minister y Parlamentarionan cu a bira 60 aña enbes di 45 y 50 aña, e biaha aki politiconan ta cana dilanti un bes mas y entrante 1 di januari 2015 ta implementa edad di pensioen di mandatarionan sin cu esaki ta sosode den

fase. “Edad di pensioen pa Minister y Parlamentarionan ta bay di biaha den implementacion”. Reparatie toeslag pa esnan cu tin un entrada limita na 2014 ta subi cu 15 florin y na 2015 ta subi cu un otro 15 florin. Esaki pa yuda cu e aumento di e prima di AOV. Un otro punto cu partnernan di e Dialogo Social a urgi gobierno pa pone atencion riba dje ta pa mobilisa e grupo di empleado di gobierno cu ta cobrando, pero no ta trahando. “Mester pone nan traha of haci algo otro cu nan. Di tur forma partnernan den Dialogo Social ta bisa di no por permiti mas cu tin hende na cas ta cobra y no ta traha”.

## Minister Plenipotenciario Alfonso Boekhoudt: Ta bay percura pa contacto mas intensivo cu studiantenan na Hulanda



Minister Plenipotenciario Alfonso Boekhoudt siman pasa a keda presenta na Hulanda y a compaña Prome Minister Mike Eman na tur e encuentronan cu a bin ta tumando luga. Esaki a encera tambe e sesion di “brainstorming” cu tabatin

cu un grupo di estudiante na Rotterdam. Esaki alabes tabata su prome encuentro cu studiantenan na Hulanda, aunke e no tabata e encuentro tradicional sino den un estilo di foro, cu di tur manera “tabatin un tendencia basta bon di studiantenan,

y no solamente di Rotterdam,” Boekhoudt a comenta. El a sigui bisa cu importante den e evento aki ta cu a keda demostra cu ta existi, cerca e studiantenan, e necesidad di un contacto intensivo cu Cas di Aruba pero tambe cu pais Aruba. “Eynosta mira e



rol cu Cas di Aruba mester sigui hunga, pa nan ta altanto di tur e informacionnan cu nan mester di dje, pero tambe informacion cu Aruba mester tin of sa di studiantenan na Hulanda. Esaki pa aspectonan cu ta regarda nan estudio pero tambe e parti despues, entre otro di e forma cu nan por contribui na e continuo desaroyo di nan pais. “Nos mester ta bon sincronisa pa na final nos haya miho beneficio di e conocimiento cu nan a adkiri na Hulanda,” Boekhoudt a expresa. E studiantenan durante e foro a mustra un interes grandi pa loke ta pasando na nan pais,

pero alabes a haya e tipo di encuentro aki uno hopi agradabel cu nan ta desea pa continua cune. Pa Minister Plenipotenciario Boekhoudt, e expresion di e studiantenan pa tin mas di e encuentronan aki ta “wordo tuma como un señal pa e necesidad di interaccion aki. No solamente como un actividad pero como un momento cu por intercambia di pensamiento y ideanan ... e mester sosode cu mas frecuencia di loke el a bin ta sosodiendo caba.” El a finalisa bisando cu e ta haci un promesa pa e contacto ta mas intensivo cu studiantenan na e diferente ciudadnan na Hulanda.



Riba invitacion di Departamento di Homeland Security di Merca

## Expertonan di aeropuerto riba tereno di seguridad di Aviacion di Aruba a bishita Miami International Airport

**EXPERTONAN** di seguridad di Aruba Airport Authority N.V. (AAA) hunto cu otro expertonan riba e tereno a ricibi un invitacion for di Oficina Internacional di e Agencia TSA (Transportation Security Administration), cu ta resorta bou di e Departamento di Homeland Security di Estados Unidos, pa bishita Miami International Airport recientemente.

Durante e bishita e representantenan di Aruba a haya splicacion amplio riba operacion di e Aeropuerto Internacional di Miami cu ta e Aeropuerto mas grandi na Merca riba e tereno di Carga Internacional y ta e segundo Aeropuerto mas grandi na Merca den cantidad di movcion di pasahero internacional. E Aeropuerto ta procesa un averahe di 50.000 pasahero pa dia.

Tambe a reuni cu esunnan encarga cu e Departamento di Control di acceso di Miami-

Dade County y a bishita e area di procesamiento di ekipahe. Finalmente a haci un tour di e perimetro y a bishita varios facilidad di cargo internacional. Cu e bishita aki a consolida tambe e lasonan estrecho cu TSA. TSA ta un partner importante pa tur e departamentonan encarga cu seguridad di Aeropuerto di Aruba, mirando cu Aeropuerto di Aruba ta e unico aeropuerto den e region aki cu ta ofrece serviccionan di Pre-clearance pa Merca. Aerolineanan cu ta haci uzo di e facilidadnan aki por ofrece nan pasaheronan miho servicio di transfer ora yega Merca, como cu e vuelo ta wordo considera como uno domestico. Esaki ta trece cu ne cu nos Aeropuerto mester sigui mantene su mes na nivelnan haltu y estricto di seguridad y mester continuamente enfoca riba training di su personal y tene su ekiponan up-to-date.



Riba e potret por mira e Federal Security Director pa Miami International Airport, Sr. M. Hatfield y e representantenan di TSA Sra. B. Williams y Sr.

J. Abarante. Aruba a wordo representa pa Sr. A. Kirchner di Departamento di Aviacion Civil y Sr. D. Jacobs di Inspeccion di Seguridad di Aviacion. Aruba

Airport Authority N.V. a wordo representa pa Sr. H. Webb di Unidad di Desaroyo di Aeropuerto y Sra. A. Flemming, Hefe di unidad di seguridad di AAA.



## Baki di Sushi ta bolter for di truck

**DIALUNA** merdia a sosode un accidente cerca di Weng Kee Supermarket na Piedra Plat. Un truck cu tabata transporta un baki di sushi di 20 yarda a haya den problema ora cu e baki cu sushi a bolter for di e truck.

Segun informacion ricibi e truck a bay lora y den e proceso a dal contra di acera.

Esaki a haci cu e baki di sushi cu tabata bastante yen a cay for di e truck. Polis a cera e caminda pa asina e compania por a haci e area completamente limpi.





## Minister Otmar Oduber a ricibi estudio cu ta indica cu factor climatologico tambe ta hunga un rol importante den turismo di Aruba

**DURANTE** un momento special dialuna mainta, Director di Meteo, Marck Oduber a entrega Minister Otmar Oduber un publicacion di un estudio importante pa e sector di turismo. Ta trata aki di "Impacts of Seasonal Patterns of Climate on Recurrent Fluctuations in Tourism Demand: Evidence Aruba". E estudio aki a wordo publica den the Tourism Management cu ta un network hopi impor-

tante pa turismo na nivel mundial. Esaki ta un estudio haci pa dos yiu di tera Sr. Jorge Ridderstap y Marck Oduber kende hunto cu nan profesornan di De Vrije Universiteit Amsterdam, Universiteit Maastricht y UCF a logra realiza un publicacion den cuadro di e "push and pull effect" di clima riba turismo. Pa loke ta trata Aruba, e fenomeno pa cu e motibo cu bishitantenan ta tuma e decision y

dicidi di bishita Aruba y Caribe ta algo sigur hopi importante. E estudio ta indica cu fuera di e factornan economico e factor climatologico tambe ta hunga un rol importante den turismo di Aruba. Minister Oduber ta reconoce e dos yunan di tera aki cu a logra publica e estudio riba nivel mundial, cu ta un promocion extra pa Aruba. Esaki sigur lo acapara atencion di mundo pa loke ta trata e

efectonan aki. E tipo di publicacionnan aki mester ta un motivacion pa mas Arubiano riba diferente nivel, pa concientisa y informa mundo riba fenomenonan cu na promer instante nos no ta realiza. E mandatario ta ilustra con importante e estudio aki ta, unda cu 86% di esnan cu ta bishita Aruba for di parti principal di Merca manera Boston y New York, ta usa e cambio di

clima como e argumento number uno pa biaha bin Aruba. Apesar cu e ta un publicacion cientifico, e tin su efectonan directo pa loke ta trata nos turismo. Ora bo haya publicacionnan manera e estudio aki riba nivel internacional, esaki naturalmente lo sigui distribui e tipo di informacionnan cu sigur lo atrae mas publicidad cu lo elva Aruba su number mas ainda.

Rene Herde:

## E discusion riba prima di AZV y AOV mester ta riba e miho forma pa sigura cuida medico y pensioen pa hopi aña



**Sinterklaas a jega tempran!**

**LOTTO 5 GANA Afl. 100.000,-**

**EXTRA riba e JACKPOT di 4 December!**

[www.lottoaruba.com](http://www.lottoaruba.com)

Pa mas informacion por yama Lotto na 525-7555 of bishita e oficina situa na Paardenbaaistraat # 10, Oranjestad of B. v. d. Veen Zeppenveldstraat 21, San Nicolaas. Tin termino y condicionnan aplicabel. E premio aki ta valido solamente pa 4 di December, 2013.

**"DEN** e discusion riba prima di AZV y edad di AOV ta bay pa nos sigura cu tur hende na Aruba ta sigui haya nan cuida medico paga door di AZV y cu nan ta sigur cu nan lo por sigui cobra nan pensioen di biehes pa hopi aña. Enbes di busca forma pa hunga politica cu e asuntonan aki, lo ta miho pa tur hende na Aruba haya tur informacion corecto pa nan comprende bon kico tin cu sosode pa sigura pensioen di biehes y seguro medico pa tur hende na Aruba. En caso cu tin hende cu tin miho sugerencia cu esun riba mesa awor aki, nan mester presenta esey." Rene Herde', lider di e fraccion di AVP den parlamento a reacciona asina riba e prome comentarionan di oposicion riba proposicionnan cu ta wordo discuti den Dialogo Social awor. Den dos articulo ta presenta su reaccion riba e dos temanan aki.

Pensioen sigur  
E cifranan di enbehecemento di nos poblacion ta conoci hopi aña caba: mas hende ta biba mas largo. Esaki tin consecuencia pa e fondo di pensioen, pasobra e fondo tin cu paga mas hende un pensioen durante hopi mas aña. Si mas hende mester haya un pensioen pa mas aña, e fondo mester di mas placa. Nos mester sigura cu e casi 20 mil hende cu awor aki ta depende di e pensioen di biehes pa nan entrada tur luna, ta keda haya nan pensioen

pa resto di nan bida. Tambe e pensionadonan nobo cu ta bini acerca tur aña mester ta sigur di nan pensioen. Pesey mester reforsa e fondo di pensioen. Den pasado y den e cuatro aña cu a pasa, a haci diferente cos pa reforsa e fondo. Dor di esaki a logra pospone e decision di aumenta e edad di pensioen, pero no por evit'e. Tur e accionnan pa restructura e fondo y aumenta su entradanan a yuda pero mas hende ta bay cu pensioen cu e fondo por carga. Nos kier pa tur hende biba mas largo, den bon salud y cu suficiente entrada pa biba un bida trankil. Esey nos kier y esey por. Den futuro trahadonan lo tin banda di nan pensioen di biehes tambe nan pensioen personal. Esaki ta e pensioen general cu gabinete Mike Eman a introduci tres aña pasa. E pensioen aki hunto cu e pensioen di biehes lo percura pa un miho entrada pa pensionadonan. Pero awor aki mas cu 60% di pensionadonan no tin otro entrada cu e pensioen di biehes (AOV). E proposicion pa aumenta e prima y edad di pensioen ta pesey e unico forma cu a resta pa sigura esey. Loke ta logra cu e aumento di prima y edad di pensioen, ta pospone e cobramiento di pensioen pa cinco aña y den e periodo aki mas hende ta contribui cu nan prima na e fondo. Di e forma aki e fondo ta haya mas placa pa cubri e pensioen di tur e pensionadonan pa hopi aña.



Den cuadro di 65 aniversario di Declaracion Universal di Derechonan Humano

## Departamento di Relacionnan Exterior y Universidad di Aruba a organisa dos debate encuanto di Derechonan Humano

E Declaracion Universal di Derechonan Humano lo celebra 65 aña riba 10 di December 2013 y den cuadro di esaki, Departamento di

Relacionnan Exterior di Aruba y e Club di debate di Universidad di Aruba recientemente a organisa dos debate riba e tema di Derechonan Humano. E meta

principal ta pa aumenta e nivel di conscientisacion di nos hobennan riba e tema importante aki. Tambe kier stimula libertad di expresion y e formacion di personanan critico den nos sociedad.

Comision organisado:

E comision organisado ta consisti di mr. Olivia Croes di Departamento di Relacionnan Exterior cu alabes ta fungi como coordinador di e Comision di Derecho Humano di Aruba, mr. Luciano Milliard y Shauna Porter MA, respectivamente decano y docente na Universidad di Aruba. Presidente di Club di debate di Universidad, drs. Eric Mijs a guia e debate di e studiantenan y splica e proceso y reglanan di debate. Drs. Andy Lee, director di Departamento di Relacionnan Exterior a haci apertura oficial di e anochi di debate cu un speech cortico riba e historia y importancia di e Declaracion Universal pa humanidad. Anteriormente, Departamento di Relacionnan Exterior a duna presentacion na diferente instancia encuanto di e topico di Derechonan Humano. Den e cuadro di e celebracion aki a scoge pa hunto cu otro stakeholders enfoca riba nos hobennan. A scoge e formato di de-



bate pa profundisa riba e topico di Derechonan Humano y duna nos hobennan e oportunidad di trece nan ponencianan y argumentonan pa dilanti y asina hiba un discusion riba temanan actual y kisas te hasta un poco controversial.

Serie di debatenan:

E debatenan a ser hiba entre studiantenan di Universidad di Aruba, Parlamento Hubenil y studiantenan di EPI hospitalidad. E interes tabata grandi pa participa y ambos anochi a conclui cu un ganado. E prome debate a tuma luga riba 6 november y a trata e topico 'Derecho di prizoneronan'. E topico aki tabata poco controversial y dificil y esey a haci cu e debate tabata hopi interesante. E prome debate a conta tambe cu presencia di Peter van der Geer, experto di Hulanda riba tereno di debate. Como hurado a fungi e comision di Derechonan Humano, kendenan tabatin e tarea dificil pa scoge e ganado

di e prome anochi. E di dos debate riba 27 di november a trata e topico di igualdad di genero y na unda y di ki forma tin necesidad di fomenta esaki na Aruba. Directora di CEDEHM, Sra Sandra Brown, a hasi e introduccion, presentando algun ponencianan interesante pa inicia e debate.

Departamento di Relacionnan Exterior y Universidad di Aruba kier a duna un palabra di elogio na tur e hobennan cu e nivel halto di e dos debatenan y nan conocimiento riba e tereno di Derechonan Humano.

E celebracion di 65 aña di e Declaracion Universal di Derechonan Humano lo clausura cu un caminata dia 10 december pa conmemora y celebra e fecha importante aki. E asina yama 'Walk of Freedom' lo sali for di linear park pasa monumento Schutterij, sigui pa monumento Boy Ecury y Anne Frank.

**Kerkstraat #16 - Tel: 582-2266**

*Sinterklaas cu su Pietnan ta un caminda so nan ta shop na Aruba ta na PINOCCHIO unda bo ta haya tur cos cu mucha gusta:*

**December 3, 4, 5**  
lo tin locura di Sinterklaas

15% descuento  
riba tur cos  
di hunga.  
25% riba blass

**Kerkstraat 16 - Tel: 582-2266 - Cel: 564-1977**

**Comodidad y seguridad cu un simpel**

**CLICK))**

**Kit Ta Inclui:**  
1 BFT PHOBUS motor  
2 Remote Controls  
1 paar di Photocells  
1 Blinker cu Antenna

**Afl. 2.000,00\***  
pa Swing Gate

**Kit Ta Inclui:**  
1 BFT DEIMOS motor  
2 Remote Controls  
1 paar di Photocells  
1 Blinker cu Antenna  
4 Plastic rack di 1m

**Afl. 1.200,00\***  
pa Sliding Gate

Oferta validote cu 31 December 2013

**\*Instalacion no ta inclui den prijs**

**Nos horario:**  
Dialuna pa Diabierna 8:00 am - 5:30 pm (non-stop)  
Diasabra di 8:00 am - 12:00 pm

Arendstraat 124  
Tel: +297 588-5866  
Fax: +297 588-5895  
Website: [www.hitess.com](http://www.hitess.com)

**HITESS**  
HIGH TECHNOLOGY SALES & SERVICES N.V.  
DUTCH CARIBBEAN



06/11/2013



## Un cariño y un atencion special di Minister drs. Paul Croes pa nos muchanan di Casa Cuna.

**DIASABRA** Stichting Casa Cuna a organisa un Christmas Bazaar pa asina recauda fondo pa e muchanan di Casa Cuna mes.

Durante e atardi aki un Mercado di purga a wordo teni y Minister Paul Croes a haya e oportunidad pa atende hunto

cu su famia na e evento aki y na mesun momento informa su mes for di Directora Sra. Quilin Arends y e voorzitter di e Stichting Sr. Henry Coffee di e Stichting su maneho y status. Minister Paul Croes ta hopi entusiasma pa informa su mes di tur e detaye di tur e instan-

cianan y diasabra ultimo tabata na turno den un ambiente agradabel, Casa Cuna. Tur informacion ta importante pa su persona paso ta for di aki e ta si traha ariba e Vision cu e tin. Esaki awor ta e bienestar di nos muchanan, famia y hobennan.

Minister a comparti e alegria cu esunnan presente durante e atardi aki y a gradici y tur persona, empresanan cu ta duna nan sosten na Stichting Casa Cuna. Tur cu a aporta pa a haci e Bazaar aki posibel pa Stichting Casa Cuna Progreso.

## Encuesta riba relacion entre desaroyo turistico y calidad di bida di residentenan na Aruba

**ACTUALMENTE** ta tumando luga e "Encuesta pa cu e relacion directo y indirecto entre Desaroyo Turistico na Aruba y e Calidad di Bida di su residentenan". Encuesta akita consisti di diferente pregunta di caracter "multiple choice", caminda, entre otro, cada respondente por duna su pensamiento di con e ta mira e relacion entre e desaroyo turistico y su calidad di bida. E resultadonan di e encuesta lo duna informacion util di e calidad di bida di e residentenan di Aruba y con esakita afecta y ta wordo afecta door di desaroyo turistico.

Un total di 450 persona lo wordo acerca pa duna nan bista riba e relacion menciona aki riba. E cantidad di personanan aki a wordo parti den gruponan a base di sexo (hende homber/muhe), districto (Noord/Tanki Leendert; Oranjestad; Pandetera/Santa Cruz; Savaneta/San Nicolas), y edad (personanan entre 15-64 aña y personanan di 65 aña pariba). E seleccion aki ta basa riba e resultadonan di Censo 2010, cual ultimo a wordo ehecuta door di Oficina Central di Estadistica. Un total di 4 persona, cu experiencia amplio den haci encuesta, lo ta encarga pa adkici e datonan.

E personanan aki lo ta staciona na diferente luganan strategico na Aruba y nan lo tin un carnet di identificacion y un carta di notificacion como prueba cu nan ta autorisa pa colecta e datonan pa e encuesta aki. E informacion suministra door di e 450 personanan lo keda anonimo, door cu lo no pidi nomber di e encuestadonan aki. Ademá, e informacion lo wordo analisa y presenta den forma agrega, cual ta duna garantia adicional di anonimidad.

Contribucion di cada hende ta di sumo importancia pa por yega na resultadonan confiabel.

Ta pleser, un replica ta wordo haci na tur personanan cu, na momento cu bo wordo acerca, pa por fabor contribui na e encuesta aki. Personanan cu ta desea di haya mas informacion riba e encuesta aki por tumar contacto cu Sr. Jorge Ridderstaat na telefon (5972226) of via e-mail (ridderstaatj@gmail.com).

## Moringa Pure Moringa Oleifera Puro

Moringa ta posiblemente e mata mas asombroso cu a yega di wordo studia y segun esunnan cu sa e ta e mata cu mas ta duna bek den naturalesa. Tin hopi peticion pa un bon fuente di Moringa y esunnan cu ta uza Moringa caba hopi biaha ta considera pa piki'e for di e mata cu ta aparece hopi den nos vegetacion local. E realidad ta cu djis corta e mata y traha un te no necesariamente ta e miho manera pa saca e maximo probecho di Moringa e mata milagroso conoci pa su efectonan di sanacion. Moringa Pure di Only Natural ta scooge e blachi nan ora nan ta jong, ta seca nan den un forma natural y ta mula nan di manera cu e por wordo digeri facil. E puero aki ta wordo hinca den un capsula vegetariano y ta wordo poni den un boter color scur pa preserva su potencia. E nutriente nan hopi denso di Moringa Oleifera ta haci e suplemento un fuente natural di vitamina, mineral y antioxidante poderoso. E Moringa Pure di Only Natural Inc., no tin aditivo ni preservativo.

### Algun beneficienan di Moringa Pure:

- Apoyo nutricional pa wowo y cerebro
- Promove e structura celular di e curpa
- Contenido halto di vitamina y mineral
- Apoyo nutricional pa un cuero saludabel
- Apoyo pa higr y riñon saludabel
- Anti-inflamatorio
- Aumenta e concentracion y atencion
- Promove metabolismo
- Rico den antioxidante
- Promove digestion
- Aumenta energia y stamina
- Mehora circulacion di sanger

Moringa ta yen di nutriente, antioxidante y proteina saludabel y ta un fuente natural di Calki, Potasio, Vitamina A, B, C, E, antioxidante, flavonoids y nutriente.

E ta stimula e nivel di hemoglobina den sanger y ta contene un cantidad significante di hero, cual ta fortalece e sistema inmunologico.

Moringa ta yuda cu problema di cuero, ta yuda mantene nivel di sucu den sanger y presion, ta yuda reduci hinchamento door di ulcera gastrico y ta calma e sistema nervioso.



**Moringa Pure ta obtenibel exclusivamente na Nature's Discount, bo cas di nutricion.**

**Nature's Discount**  
NUTRITION CENTER

Seroe Blanco 19 - T: 588-5380  
Pos Chikito 100A - T: 584-0336

nature@bosalud.com  
Nature's Discount Aruba



## Cu vuelonan riba dialuna y diahuebs LAN Colombia clapa trece masturismo pa Aruba



### Ta premira un crecimiento di 50% den e aña nos dilanti

Despues di algun luna di negociacion, dialuna marduga LAN a aterisa pa prome bes na Aruba, cu un avion Airbus 320 cu 174 asiento abordo, di cual 90% tabata ocupa riba e vuelo inaugural caba! E avion lo sali riba diaranson y diadomingo 10:40PM for di Bogota y yega Aruba 1:40AM, mientras cu e vuelo di regreso lo ta saliendo 2:30AM y yega 3:10AM na Colombia.

Peter Steinmetz, C.E.O. di Aruba Airport Authority tabatin palabranan di gradicimento cu LAN a yega Aruba finalmente. E ta uza e palabra "finalmente" pasobra nan lo por a cuminsa bula mas trempa, pero tabatin e pasenshi necesario pa warda algun siman riba e trabounan di mantencion cu tabata tumando

luga marduga riba e pista di aeropuerto. "Mi ta spera awor cu nos lo no tin nodi keda habri marduga dos bes pa siman so, pero cu pronto Boso lo aumenta e vuelonan. Mi ta sigur cu, mirando e demanda y e capacidad di boso vuelonan, cu esey lo sosode pronto. Aeropuerto ta cla y dispuesto pa traha cu Boso riba esey".

Durante e discursonan cu a tuma luga dialuna marduga den VIP Room di Aeropuerto, Christian Ortiz, director comercial di LAN Colombia a bisa cu "LAN Colombia lo no ta solamente un brug entre Colombiano y Arubiano, sino cu pasaheronan lo por conecta facilmente cu Chile, Peru, Ecuador, Argentina y hasta cu Brazil. Nos a tene cuenta tambe cu di e 1 miyon turista

cu ta yega Aruba pa aña, 24% ta yega for di destinacionnan cu LAN of TAM ta opera, demostrando asina e potencial grandi di e mercado di Aruba".

Natalia Castenada Ramos, gerente de Turismo di LAN a sigura cu nan pronostico ta cu e mercado di turismo for di Colombia pa Aruba lo crece cu 50% den e aña nos dilanti. Actualmente ta yegando 18.000 Colombiano pa aña y cu e intencion pa e cantidad ey crece mucho mas danki na e conexionnan cu LAN ta ofrece tanto den Colombia mes como tambe otro destinacionnan internacional.

"Mi ta sumamente honra, pasobra e ta pa prome biaha cu nos tin un di dos vuelo, desde aña 2000 cu Air Aruba a stop di bula, cu nos ta logra un di dos

aerolinea cu ta yega for di un hub asina importante manera Bogota. Y den e caso aki no cu cualkier aerolinea, sino cu un di e tres nan mas grandi di Latino America", asina Otmar Oduber, Minister di Turismo, a enfatisa. LAN a anuncia durante e evento special cu nan apunta Maduro Travel como nan representante di benta na Aruba, cu nan cuater sucursalnan situa strategicamente rond di nos isla. LAN ta sigur cu den nan man, e aerolinea lo sa di crece so.

"Pa nos di ATA, nos no ta enfoca solamente riba Colombia, pero siguramente e oportunidad cu nos tin awor pa aumenta turismo for di otro mercadonan manera Brazil. Den cuadro di e strategia di turismo di

Aruba, e vuelonan di LAN ta un paso grandi y importante", di acuerdo cu Ronella Tjin Asjpe-Croes, CEO di Aruba Tourism Authority.

Ta apenas dos aña cu a crea LAN Colombia, cu ya nan a sa di crece y bira e di dos aerolinea mas grandi di Colombia, cu no menos di 20 destinacion nacional den Colombia mes y sin lubida 4 destino internacional. LAN ta forma parti di e famia di TAM Airlines di Brazil, considera un di e aerolinea nan mas grandi na mundo. Hunto e combinacion di LAN y TAM ta ofrece 120 destinacion na mundo, uzando 350 avion y cu e capacidad pa mobilisa mas di 54 miyon pasahero pa aña.



Sostene bo ser ker:

## E importancia di sosten di pareha, famia y amistadnan na momento cu un persona tin cancer di prostaat

**ORA** bo tin un relacion estrecho cu un hende homber afecta pa cancer di prostaat, e diagnosis ta afecta abo mesun hopi cu e ta afecta bo ser ker. E ta afecta bo sentimentonan y por tin cambionan den e relacion tambe mirando cu debi na e enfermedad, prioridadnan y plannan ta cambia. Pero tin hopi cos cu boso por haci hunto pa sostene otro.

Hopi pareha, famia y amistadnan di hende homber cu cancer di prostaat ta realisa cu mas informacion nan busca riba e topico aki, miho nan por sostene nan ser ker na momento cu e mester tuma decision encuan to e tratamentonan. Conocimiento encuan to e diferente sorto di tratamentonan, tambe por yuda boso prepara pa e tempo di recuperacion y si tin side effects.

Ta yega un momento cu e hende homber lo mester bai tuma un decision riba e tipo di tratamiento cu e mester tuma. No tin un tratamiento cu ta mihor cu e otro ya cu cada tratamiento tin su bentahanan y desbentahanan. Mas informacion bo busca, lo bo por tuma un mihor decision na momento di escohe un tratamiento. Algun hende homber ta considera e sosten di nan pareha, famia y amistadnan hopi importante den e proceso di tuma decision. Cada tratamiento tin su consecuencianan cu por impacta e bida di e hende homber y e hendenan rond di dje. E homber por bira depresivo y preocupa.

P'esey hopi hende homber ta considera e sosten di nan pareha crucial den nan tratamiento. Un hende pa compaña nan pa nan cita cu dokter y cu por yudanan corda kico tur nan kier a puntra nan dokter. Of un hende pa simplemente para banda di nan den nan momento dificil.

Investigacionnan a demostra cu e sosten di un pareha, famia y amistadnan ta yuda e pashent deal mihor cu e retonan di cancer di prostaat. Tin hende ta yega un punto unda cu hustamente nan no kier papia di nan enfermedad y ta yen di rabia y no sa con pa expresa nan mes. Cada hende ta pasa door di e periodo di aceptacion na un forma diferente y importante ta pa nan sa cu nan semper por conta cu sosten di nan pareha, famia y amistadnan.

Bo por demostra bo sosten door di papia cu nan, sostene nan den e cambionan cu nan mester haci den nan bida, compaña nan pa e tratamentonan, yudanan ta comodo na cas of simplemente percura pa nan sa cu bo t'ey pa nan ora cu nan mester di dje. Pa e pareha y tur esnan cu tin cu cuida e pashent, ta hopi importante pa nan mes ta fuerte mentalmente

y fisicamente. Un diagnose di cancer por tin un impacto grandi riba bo bida y p'esey ta importante pa bo ta fuerte pa por sostene bo ser ker. E sosten di famia y amigonan tambe ta un factor importante cu por yuda

hopi pa e pareha por pasa door di e fase dificil aki den nan bida.

Ta hopi importante pa bo ta bon informa pa asina bo sostene bo ser ker optimalmente. Sosten ta importante pa tur hende cu ta sufr di cualkier forma di cancer. Pa mas informacion bo por tuma contacto cu Fundacion Contra Cancer di Prostaat y e Centro di Informacion di Koningin Wilhelmina Fonds Aruba na Spinozastraat 9 of bel 5820412. Tambe por haya mas informacion riba nos FaceBookpage Koningin Wilhelmina Fonds Aruba.



## Mester kibra e bareranan di silencio rond di muchanan cu autismo y nan famia

**DIABIERNA** 22 di november Sra. Martha Vallejo-Echeverry, educador special, antropologo y director di Centro di Educacion, Desaroyo y Estimulacion special (CEDES) a duna un charla cu a a causa impacto cerca e trahadonan di Departamento di Asunto Social tocante autismo. Kico nos mester sa di autismo pa por yuda mayornan, maestronan y ciudadonan general tawata e pregunta central.

Autismo ta un problema neurologico cu ta afecta un persona su comunicacion y contacto cu e mundo rond di dje. Cifranan ta muestra cu autismo ta afecta 1 den 88 mucha na mundo y cu 1 di 54 ta mucha homber. E

cantidad di mucha diagnostica cu autismo ta crece cada aña. Causa di autismo no ta conoci, no tin cura tampoco. Cada mucha ta wordo afecta na diferente manera, locual ta hacie dificil pa reconoc'e. E gran mayoria no ta haya e tratamiento y e estimulacion necesario y mester di ayudo te na grandi. No por indica e indice di autismo na Aruba pa falta di diagnostico y investigacion científico.

Ora mayornan haya sa cu nan no tin e mucha "ideal" esaki ta trece cune hopi sentimiento mixto y conflicto emocional. Falta di aceptacion, sentimiento di culpabilidad, rabia, duele, miedo ta algun di nan. E famia

no sa kico pa haci cu e mucha, henter nan rutina diario ta cambia, tur cos ta draai rond di e mucha. E famia ta den un tension continuo. Un yiu cu autismo den cas ta trece tambe cune hopi gasto extra pa entre otro tratamiento, dieta, educacion special, paña special. Maestronan di scol tampoco ta ekipa pa traha cu mucha cu autismo, mester dedica atencion extra na e mucha, ta core riesgo di cay atras cu nan programa di les y ta bou hopi stress.

Mester di mas atencion pa e mucha cu autismo den ramo di salud y ayudo social na Aruba. Loke ta wordo mira como un problema di comportacion pasahero, no ta wordo diag-

nostica. Informacion y conscientisacion riba e materia aki ta importante pa por detecta autismo mas trempan posibel y asina ofrece e ayudo necesario. Un ayudo trempan ta esencial pa kita of reduci e sintomanan y duna e mucha un miho calidad di bida y e posibilidad pa desaroya su mes den un adulto cu por funciona relativamente independiente.

Mester di hopi aceptacion pa e problema di autismo. E mucha cu autismo ta wordo stigmatiza como mala mucha y e famia como un famia disfuncional. E mucha y su famia ta core asina e riesgo di wordo isola y e posibilidad pa e mucha por desaroya ta keda limita.

Mester formula un circulo di sosten y cuido di profesionalnan (psiquiatra di mucha, psicologo, logopedista, nutricionista entre otro) rond di e mucha pa por detecta autismo trempan y pa e ayudo ta efectivo. Trahadonan social por yuda crea mas conscientisacion tocante e problema di autismo den nos comunidad. Nan por sali na defensa di e mucha y su famia, t'ey pa e mayornan y yuda nan den nan contacto cu maestronan di school y profesionalnan.

Nos comunidad ta carga responsabilidad pa bienestar y desaroyo di nos muchanan. Mester kibra e bareranan di silencio rond di muchanan cu autismo y nan mayornan!!!





## Tiramento cu morto den Puerto Ricoweg

**DIALUNA** 2 december 2013, alrededor 1.59'or di marduga a drenta un informacion na Central di Polis cu un tiramento a caba di tuma luga den bisindario di un 'nightclub' den Puerto Ricoweg. E patrulla cu a yega na e sitio a topa cu e homber victima Ramon Antonio MUÑOZ FELIZ, nace na Republica Dominicana, 31 di augustus 1983, den un estado hopi grave drumi den un auto.

For di un investigacion preliminar cu polis a realisa na e sitio a resulta cu aparentemente un rato prome personanan

den bisindario mester a tende algun tiro y mira un vehiculo core duro bay for di e sitio. E victima a ricibi un herida di bala na e parti ariba di su cabes y no tabata duna señal di bida mas. Na e sitio polis a confisca un cantidad di hùls. Alrededor di 3.34'or dokter di polis a constata morto di e victima i riba ordo di fiscal di Ministerio Publico a confisca e curpa sin bida pa mas investigacion. Motibo di e tiramento aki ta den investigacion. Departamento di Recherche ta continua cu e investigacion.



## Wax Be Gone Vac

No haci bo orea limpi cu un swabs!

Usa Wax-Be-Gone y evita accidente nan serio. Su trabou ta masha safe, ideal pa baby y mucha.

Nos tin disponible na prijs special !!



**Medical & Home Healthcare Services**

Av. Milo Croes 52, Dakota - Aruba - Tel. 582.6651 - Fax 582.6567

www.labcomedical.com - labcolabcomed@yahoo.com

**SILVERHOUSE**  
Jewelry Store



**Address: Tanki flip # 28 noord**  
**Tel: 5873507**



# Roelof van Laar di PvdA y Premier Eman a reuni na Hulanda



Den Tweede Kamer miembro di Partij van de Arbeid, Roelof van Laar a topa cu Prome minister Mike Eman. Esaki ta un miembro nobo di Tweede Kamer y ta importante pa intercambia cu e politiconan nobo riba e relacionnan cu mester existi y con por yuda otro. Despues di e reunion a logra entrevista Roelofs van Laar, kende a cum-

insa pa bisa cu el a constata cu Aruba tin e ambicion pa bira e hub, riba conocimiento duradero, entre Hulanda y Latino America. "E ta un ambicion bunita cu nos ta spera cu nan por logre."

Apesar cu el a bisa cu Aruba ta un pais bunita, e ta agrega cu "mescos cu e otro islanan, e tin su problemanan. Nosta spera cu

e islanan y Hulanda por pone cabes hunto pa soluciona e problemanan". El a menciona cu mester mehora e situacion di derechonan di mucha y di otro banda el a scucha e peticion di Prome Minister di Antias pa yuda den combatimento di crimen organisa. El a expresa cu e ta contento cu ta concentra riba e temanan aki.

Di nan banda, den Tweede Kamer, ta mira y evalua e situacion di e

islanan den Caribe y ora cu ta necesario ta yama e Minister encarga pa trata di soluciona e problemanan cu surgi, hunto e islanan. "Nos ta pidie pa tene consulta." El a muestra riba e ehempel mas recien, unda cu a pidi den reunion di Presupuesto den Tweede Kamer, pa manda Managernan cualifica pa e is-

lanan di Caribe pa hunto traha riba solucionnan.

Como Reino, su partido PvdA ta traha pa logra adelanto social den henter Reino, combati pobreza, y cu situacion di muchanan, y nan derechonan, ta wordo mehora. Nan pensamento ta pa traha mas hopi hunto enbes di keda wak riba diferencianan, busca e solucionnan. E reunion cu e mandatario di Aruba, el a haya uno hopi bon y interesante.

E mandatario di su banda a splica cu e motibo cu kier a reuni cu sr. van Laar ta pasobra e ta miembro di e Comision Fiho di Tweede cu tin hopi atencion pa e rapport di UNICEF riba muchanan. Esaki pasobra, Aruba, Eman a splica, tin e reto pa atende cu un grupo grandi di hoben cu ta forma parti di e red grandi di inmigracion cu tabatin pa Aruba. Den cuadro di esaki a crea un programa

piloto pa e hobennan cu a haya nan mes confronta cu e problema di idioma. E proyecto aki di Aruba, a wordo hopi elogio. Pero Prome Minister Eman den e reunion a splica cu ainda Aruba ta enfrentando hopi reto pa garantisar envolvimento di hobennan y nan derecho den un forma mas integral den e maneho. A reuni den pasado caba varios biaha cu Parlamento y Gobierno Hulandes con por haya e ayudo necesario cu ta sigura cu e hobennan aki na un edad hoben caba por ta exitoso den nan formacion y educacion. No solamente Hulanda tin hopi experiencia riba e tereno aki, pero a demostra di tin interes pa traha hunto cu Aruba riba e tema aki. Aspectonan Constitucional, manera con Reino por funciona den un forma hopi mas constructivo hunto tambe a bini dilanti den e reunion.

## Anochi di mayor na Abraham de Veerschool

Tur mayornan ta keda cordialmente invita pa asisti na un anochi pa mayornan pa entrega di rapport di e prome periodo. Ciclo Basico 1 y 2 y Ciclo Avansa 1 (klas 3) Luga: C.G. Abraham de Veerschool Orario: 18.00 pa 20.30. Dia: diaranson 04 di december 2013 Mayornan bin duna bo sosten na bo yiu cu bo asistencia.



Find us on Facebook





**EQ3**®

**Quality Rugs**

Handwoven in India

[www.aruba-furniture.com](http://www.aruba-furniture.com)



**save 20%**  
on Zara collection

Schotlandstraat 45, Aruba, +297 583 3373



Mas cerca di nos comunidad

## Hopi atencion pa booth di Polis durante Christmas Town Expo

**TABATA** un gran placer y cu hopi entusiasmo cu Cuerpo Policial a contribui y participa na Christmas Town Expo, asina John Larmonie, vocero suplente di Cuerpo Policial a expresa durante e evento cu a atrae algun mil bishitante durante e fin di suan pasa. For di diahuebs miembronan di Cuerpo Policial a lora manga y cuminsa pone tur cos cla na nan booth. E intencion tabata pa duna un bista completo di kico e trabao di polis ta na Aruba, for di cuminsamento na Scol di Polis, te na trahamento riba caya. Cuerpo Policial a pone un enfasis hopi grandi riba e topico Prevencion y a comparti hopi tip pa cu seguridad personal y seguridad di nan pertenencianan cu tur hende cu a bishita e booth.

Ademas, Scol pa Polis tabata

bon representa pa su Director, Jeanette Richardson-Baars y su coleganan pa papia cu tur bishitante interesa den un carera pa sirbi Pais Aruba como polis. Presente tambe tabata Alto Comisario Adolfo "Dolfi" Richardson y miembronan mando policial pa comparti un momento placentero cu nan coleganan y bishitantenan na e expo.

Un detaye cu sigur a capta hopi atencion y a atrae hopi hende di tur edad, tabata e brommer di polis, cual tabata parti di e decoracion di e booth. Tur hende a wordo invita pa admira e brommer y sinta riba dje pa saca potret. Tabatin un ora cada dia, unda cu Cuerpo Policial a pone disponibel un fotografo profesional pa saca y print potret pa tur hende cu tabata desea. Nan a cobra un prijs simbolico

pa esaki, solamente pa cubri e gastonan di e impresion.

E temporada nos dilanti, tanto den dianan di fiesta como Carnaval, ta conoci como dianan unda cu mas hende ta keda for di nan cas pa oranan mas largo of negoshinan ta cera pa algun dia y Cuerpo Policial ta pidi tur hende paga extra tino riba prevencion. Cu algun cambio, tin biaha hopi simpel, ya e persona ta forma un barera mas pa sinti y ta mas sigur y ta mas resistente contra crimen.

Cuerpo Policial a keda hopi satisfecho cu e atencion cu nan a ricibi na Christmas Town Expo, particularmente di tur persona cu a pasa pa consulta cu nan tocante con pa haci nan cas, negoshi y auto mas sigur y asina contribui na prevencion di crimen.



### ROBAN

**CONSTRUCTION MATERIALS 'N MORE**

Madiki 120 Schuins T/O CB Playa Pabao Tel: 5882436

Special

schrootjes

10% Discount

ENGRAVING (TROPHIES, AWARDS, PLAQUES, MEDALS) - RUBBER STAMPS



masy - fral n.v.

T:582-3792 F:583-3681 E:sales@masyfral.com



MEP ta puntra

## Dialogo Social a kibra, awor kico?

Gran mayoria di comunidad y gremio ta CONTRA aumento di edad, toch AVP ta bay pusha pa pasa e ley



Siman pasa e dialogo social a kibra. Di mas di 20 gremionan cu a cuminsa e dialogo social, apenas 3 a firma. Di trahadonan e unico cu a firma ta SIMAR, y di gremionan comercial ta Camara di Comercio y ATIA. Cu esaki oficialmente e dialogo

social aki a fracasa y a kibra. Y ta logico! Pasobra AVP a hiba campaña te cu poco dia pasa cu lo NO bin cu medida, sin embargo e prome cos cu nan ta haci ta bati pueblo cu medida. Ademá, AVP kier pa tur hende

entrega, pero no ta dispuesto pa baha su propio gastonan. Mira awor mes tin un delegacion di mas di 20 persona ta compañía Mike Eman na Hulanda pa dos siman costando mey miyon florin. Gremionan y sindicatonan a

ripara esaki, y a dicidi di pone pia abou. Gobierno cuminsa corta bo gastonan prome.

Di su banda gobierno a bisa cu e ta cuminsa cu pensioen di politiconan cu ta bay pa 65 aña mesora. Mescos Mike Eman a uza e versoberingswet, pero awor mesora a amplia e cantidad di ministernan di 7 pa 9! Tanto bal bo corta den pensioen di politiconan si bo ta crea puestonan miyonario pa nan gana awor. Claro cu ningun lo worry cu pensioen e ora. Ta awor ta conta.

Pero e pregunta cardinal awor ta: Dialogo social a kibra, el a fracasa, y awor kico? E peligro den esaki ta cu e 150 ciudadanonan cu e 3 gremionan aki ta representa ta e UNICO nan cu ta di acuerdo cu e ley aki. Ta trata di apenas 1% di nos poblacion. AVP no ta gosa di sosten di 33 mil hende pa pasa e

ley aki di aumento di pensioen. Bo por bisa cu 99% di henter nos pueblo ta contra e medida aki. Pa prome biaha den 4 aña ta e parlamentarionan di AVP lo dicidi.

Durante 4 aña parlamentari- onan di AVP por a sconde tras di Dialogo Social y no tabata tin nodo di pensa pa nan mes, ni opina pa nan mes. Pero awor ta diferente, segun e minister e ley a bai Raad van Advies caba, y pues ta na caminda pa Parlamento.

MEP a vocifera caba cu ta contra e proposicion pasobra tin otro alternativa. E proposicion aki NO ta soluciona e problema real di e fondo tampoco. Awor palabra ta na AVP: nan ta sigui instruccion di nan lider Mike Eman? Of nan ta bay vota pa un biaha den nan bida segun nan consenshi, y segun e deseo di 99% di nos pueblo?

## Minister Michelle Hooyboer-Winklaar ta reuni cu D.O.W y F.D.A tocante proyectonan di scol

E proyectonan di renobacion grandi di scolnan cu ta bao di supervision di Dienst Openbare Werken (DOW) y esunnan financia pa FDA (Fondo Desaroyo Aruba) tin atencion di Minister di Enseñansa, Maneho di Famia y Enseñansa pa Adulto, Michelle Hooyboer-Winklaar. Pa ta bon na altura di tur desaroyo relaciona cu e proyectonan andando y esunnan pendiente, como tambe tur posibilidad, reto y oportunidadnan cu por presenta, Minister Hooyboer-Winklaar a reuni siman pasa cu representantenan di DOW y representantenan di FDA. Tin entre otro e proyecto di renobacion di Arco Iris Kleuterschool, Colegio Frere Bonifacius, Colegio Cristo Rey y Mon Plaisir Kleuter y Basisschool, pero tambe algun otro trabaonan grandi cu ta den "pipeline", manera ta e construccion di e scol pa educacion avansa na Noord.

Minister Hooyboer-Winklaar durante e dos reunionnan aki a pone mas enfasis riba e proyectonan andando, como cu e mandatario ta considera masha importante cu un proyecto cu cuminsa mester wordo caba den e periodo acorda. E cumplimento cu e presupuesto aloca pa cada proyecto tambe ta un factor cu Minister Hooyboer-Winklaar tin bista riba dje pa cu su realizacion manera mester ta. Den e simannan nos dilanti, Minister Hooyboer-Winklaar lo sinta atrobe cu e diferente stakeholdernan, o sea e gruponan di interes, pa discuti cada proyecto riba su mes mas den detaye. Minister Hooyboer-Winklaar ta bishitando tur instancia, incluyendo tur scol na Aruba, pa introduci su mes personalmente y ta bon informata tocante e situacion actual di nos sistema di enseñansa den su totalidad.

## Complete business software

Financieel – HRM – Payroll – CRM – Projecten – Logistiek



Voor meer rust en rendement in uw onderneming

Telefoon +297 583 8919 of +297 738 0002 caribbean.afas.com





## SEGURO DI BIDA GARANTISA

Facil manera un dos tres

1. Yena bo applicacion
2. Paga bo Premie
3. Y cla bo ta sigura

Tur persona entre 18 y 80 aña ta cualifica te cu maximo di 25,000.=alfts  
Sin importa bo estado di saludos.  
Planea bo futuro, proteha bo famia.

**Lyder Insurance Consultants N.V.**  
Adress: Seroe Blanco 56-A  
Regents Park  
Aruba D.C.  
Phone: (297) 582-6133/582-3599  
Fax: (297) 588-9200  
E-mail: lyder@setarnet.aw


Xpresa bo mes

# Auxilio D.O.W.

A acerca nan caba telefonica-mente den pasado y un par di biaha atrobe e aña aki, pero sin resultado. Kico pueblo tin cu haci, pa haya atencion di D.O.W. pa nan por bin tapa un buraco peligroso den Patiastraar, entre number 8 y 10 ? Nos bisña Sr. Manchi Hennep cu den su rolstoel ta pasa riba e acera ey pa bin cerca mi tata, hendenan di Haiti cu ta bay nan misa den e mesun caya ey, muchanan di scol cu ta pasa pa bay nan cas despues di scol - Como un habitante preocupa, Lady Ruth a entrega por escrito tambe, un peticion den nomber

di habitantenan, pa nan pone sleeping police den Dadelstraat cu ta conecta cu Patiastraar, principalmente pa e autonan cu ta baha e bahada den Dadelstraat cu un velocidad halto sin tene cuenta cu muchanan di scol crusando pa bay nan cas den Tarabana pabao. Nos a entrega esaki personalmente na oficina di Ministro Benny Sevinger y copia na oficina di DOW, riba zegel papier cu centenares di firma, sperando riba un resultado positivo na bienestar di e seguridad di nos bario Dakota tur dia, specialmente den Dadelstraat, pa haya algo

manera tin te na final di Rondweg (awor Avenida Juan Pablo 2) banda di ATCO nan aya. Nos bario ta sigui carga e speransa cu ayudo lo bini pronto. Pa tapa e buraco y pa por lo menos dos sleeping police den Dadelstraat. Lady Ruth a capta foto cu su camara digital pa comparti cu lectornan e.o. e buraco peligroso y onhygienisch sigur. Nos suplica un biaha mas na DOW y dept. concerni cu seguridad y higiena den bario, pa please resolve e dos problemanan y of situacionnan penoso aki, na bienestar di tur. Masha danki !!!



Skirbi pa Sra. Vrieswijk-Bergen, traat y Dadelstraat. den nomber di habitantenan di Dakota, principalmente Patias-

### "Blue Sea"



zama nos pa mas informacion.

**Chocolate dipped Strawberry**  
**Arreglo di Fruta cu Chuculat!**  
**Un Dushi Regalo pa comparti...**  
**Cuminsando for di Awg.65**  
**www.ArubaChocolates.Com**  
**TEL 583-9479 / 593-7957**

Dreaming of a vacation ?



Bo ta biahando cu Vacantie of Negoshi nos por reserva bo auto y pag'e serca nos












## Auto ta disparce dilanti cas

Un persona ta bay warda di Polis den Pindastraat diadomingo mainta 09.20 y ta haci denun-

cia di ladronisia di su auto. E ta bisa cu ladronnan a bay cu su Nissan Sentra color shinishi

A -54481. E auto tabata para dilanti su cas den Vondellaan. Polis a tuma su keho.



Segun Alto Comisario mr. Dolfi Richardson:

## A garantisa cu pa fin di aña 2013 lo ta cla cu posicion huridico di Polisnan

**ALTO** Comisario mr. Adolfo "Dolfi" Richardson, kende a asumi encargo como e hefe maximo di Cuerpo Policial na aña 2010, a topa un grupo di Polis hopi demotiva. Awo, tres aña despues por mira e motivacion creciente cu e cumplimiento di un di su tareanan principal, cual ta introduccion corecto y completo di e reorganizacion di Cuerpo Policial.

Mirando cu tabatin hopi reto pa cu e posicion huridico di su colega nan causa pa e implemen-

tacion incompleto y incorrecto di dos programa di reorganizacion, Minister di Husticia mr. Drs. Arthur Dowers a pone e Alto Comisario di Polis na encargo di e tarea importante aki, cual mester a keda cla den dos pa tres aña.

Richardson a comenta cu e proceso ta casi cla y Cuerpo Policial a wordo garantisa cu pa fin di aña 2013 tur cos lo ta cla pa cu e posicion huridico di e miembronan di Cuerpo Policial. Un di e causanan di demo-

tivacion mas grandi cerca e miembronan di e organizacion tabata cu a resulta cu e sistema anterior no tabata husto; por ehempel polisnan cu mas aña di experiencia tabata ricibi mesun of menos salario cu esunnan cu menos aña di experiencia.

Alto Comisario Richardson ta referi aki na un "scheefgroei", o sea un crecimiento desigual. Den transcurso di e temporada di introduccion di e reorganizacion, a percursa pa "trek recht" e posicion huridico pa e mas of menos 100 miembro di Cuerpo Policial afecta inhustamente.

Cuerpo Policial ta den e fase final di introduccion di su inrichtingsplan nobo, e structura ta hancra den ley y tur colega a y ta wordo "ingepast", Richardson a subraya. Aki mester corda tambe riba e miembronan mas nobo, kende mayoria a ricibi nan decreto gubernamental na ora y nan a wordo hinca den e structura nobo manera mester ta.

E proceso no tabata facil, en realidad e tabata uno hopi compleho y a rekeri hopi tempo pa realisa pa awe por conta cu pa mayoria colega e rechtspostie a wordo poni na e nivel cu e mester ta.

"Awo a yega a momento cu nos tin cu bay, en rodo caso, percursa pa e tareanan cu nos a keda

di haci durante e añanan aki wordo mehora y pa asina nos mehora e producto policial," Alto Comisario Richardson a bisa.

Richardson ta felicita su colega nan di Cuerpo Policial cu e inrichtingsplan nobo y ta gradici nan pa nan pasenshi y pa a sigui traha semper cu mesun animo pa pueblo di Aruba. Semper Korpschef Richardson a bisa "locual ta di bo ta bin pa bo" y cu cumplimento cu e reorganizacion el

a observa cu "e motivacion ta bek den Cuerpo Policial." E ta anima tur colega pa sigui cu nan focus riba trabaonan diario, pa mehora e organizacion y pone pa lora ta trata profesionalismo unda e mester ta.

Cuerpo Policial ta "op en top y motiva pa sigui brinda e servicio y seguridad pa nos comunidad, local nos ta wordo paga pa haci," Alto Comisario Richardson a conclui bisando.



### MAC BATTERY FOR CARS & TRUCKS



**UNLIMITED PARTS**  
**MORGENSTER # 12 - B TEL: 583 1001**

## MESTER DI PLACA? EMPEÑA Y CUMPRO ORO




PASA Y COMPROBA PA BO MES!



**JUWELENHUISJE**

ORARIO 10AM - 6PM DIALUNA TE DIABIENA



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141



# Grupo di Scouting Monseñor Oscar Romero ta instala su prome lidernan



Oscar Romero ta conta awo cu algun lider bon prepara y dinamico.

E rekisitonan principal pa un persona bira lider den verkennertij ta: tempo pa dedica na e organisacion, e gusto pa traha cu mucha, y e persona mester cumpli cu e cursonan y cabanan. E cursonan ta encera: un curso basico, un kamp di weekend cu ta en realidad un curso practico, un curso avansa y despues di dos aña di experiencia e lider ta haci e curso Gilwel, cual ta un curso cu ta wordo ofreci rond di henter mundo, pues ta un "acreditacion" internacional.

Algun di e lidernan di Grupo Monseñor Oscar Romero tabata lider den scouting of ta conoci den e area di scouting na Aruba

caba y otronan ta personanan cu un interes den contribui na nos hubentud.

John Hessen a expresa cu e grupo ta contento pa bisa bonbini na Angelo Vrolijk, kende tabata un miembro di verkennertij y hasta un assistent leider; el a bay studia den exterior y awo a bolbe como un lider pa e grupo nobo. E otro lidernan tabatin sea nan yiu den scouting of tin e gana pa traha cu mucha y e dici di di un nan mes na e grupo aki pa yuda den su establecimiento y desaroyo di e hobennan di Brazil y vecindario; nan ta: AVL Chris Otten, AVL Milton Vrolijk, VL Shayna Figaroa, BL Marcia Dirks, AVL Anne Borrebach y sin lubida e lider di e grupo, esta GL Axel Figaroa.

John Hessen a splica cu den tur districto na Aruba tin un of mas grupo di Scouting y e unico rekisito ta cu e mucha mester tin 4 aña, of mas, di edad. Mayoria grupo ta topa riba diasabra, algun for di 2or y otronan for di 4'or di atardi.

E movecion scout ta existi desde aña 1907 ora cu Lord Baden Powell a cuminsa cune 106 aña pasa y cu lo keda existi pa semper pasobra "Once a Scout, Always a Scout". A funda Scouting Aruba dia 23 di April 2000 despues cu 4 organisacion scout a uni y forma un solo organisacion. Scouting Aruba a logra afilia na Interamerican Scout Organisation (ISO) cu ta miembro tambe di World Scout Organization esta WOSM.

Den fin di siman Grupo di Scout Monseñor Oscar Romero a instala su prome lidernan despues di apenas algun luna di existencia. E grupo aki, cual ta estableci na Brazil, a wordo funda recientemente pa Pastoor Jairo, kende a conta cu asistencia di Hoofdcommissaris di Scouting Aruba, John Hessen pa cu e fundacion di e grupo. Pastoor Jairo a encurasha un lider cu experiencia, esta Axel

Figaroa pa uni na e grupo y tabatin como su grupo di sosten mas importante e miembronan di su conseho di parokia di Brazil, kende a traha duro pa yuda e grupo haya su miembronan y lidernan.

E grupo a crece y a haya su lidernan den un tempo hopi cortico, segun John Hessen, kende ta Hoofdcommissaris di Scouting Aruba. El a añadi cu Grupo di Scouting Monseñor



# DEPORTE



Un prospecto mas

## Cincinnati Reds a firma Ross Ismail

Erick d'Arnauld (welder), Natascha Ismail d'Arnauld (mama), Oslin Ismail (tata), Ross Ismail y Representante di Reds na Aruba, Sr. Tony Rombley

NA nos mesa di redaccion a yega e gran noticia, cu Cincinnati Reds a anuncia di a firma e pitcher di Aruba, Ross Courey Ismail. Consultante di Reds na Aruba, Tony Rombley a ehecuta e firma hunto cu Ross y su famia na Aruba. Ismail di 16 aña a cuminsa hunga baseball na e

edad di 5 aña cu Little Giants Organization. Actualmente e ta hungando cu Atco Indians, dirigi pa Edwin Orman. Ross a representa Aruba na e Weganan Panamericano 2007 na Santo Domingo. Na Corsou na 2008 durante "Creme de la Creme", un biaha mas na Corsou na

2009 pa e Campeonato Latino Americano. Ross a pitcha pa Aruba durante e IBAF 15U Championship, na augustus 2012 cu a tuma lugar na Mexico. Na e campeonato ey el a termina na di 5 lugar entre e pitchernan cu mas strikeouts.



Aruba a termina na di 9 lugar di e 15 paisnan cu a participa. Jim Stoeckel ta e scout di Reds cu a pone wowo riba Ross durante e MLB Curacao Workout na september 2013. Ross su mama Natascha, di Aruba, a hunga Tennis na Indian River Community Col-

lege, Florida y e Universidad di Florida. Ross su ruman grandi Axl ta hunga actualmente den e team di golf di e Universidad di Tampa, Florida. Segun Baseball Aruba, Ross ta di dos hungador di Aruba y prome pitcher pa firma na e edad di 16 aña. Eugene Kingsale tabata e prome.

Den Futbol Escolar organisa pa IBISA:

## School Primario Kudawecha ta bira Campeon den categoria B-mucha homber

DESPUES di eucuentronan interesante di futbol entre schoolnan di Enseñansa Basico den categoria B-mucha homber y cu clasificacion di e schoolnan tabata conoci, tabata asina leu cu diaranson atardi e weganan final a tuma lugar den Compleho Deportivo Frans Figaroa na Noord. E schoolnan cu a participa den poule A tabata: Commandeur Pieter Boer School, Mon Plaisir School, Maria Goretti School y School Basico Washington. Den e poule aki School Basico Washington ta clasifica na prome lugar mientras cu Maria Goretti School ta keda na e di dos lugar. Den poule B e weganan cu a keda

hunga tabata entre Colegio Sagrado Curason, Pius X School, Cacique Macuarima School y School Primario Kudawecha. Despues di e weganan hunga School Primario Kudawecha ta clasifica na prome lugar y Cacique Macuarima School ta finalisa na di dos lugar.

Wega final:

E prome wega di diaranson atardi a bay entre School Basico Washington y Cacique Macuarima School. Den e prome mita di wega e ekipo di School Basico Washington ta bay arriba cu anotacion di 1 gol contra 0 di Cacique Macuarima School. Asina e score ta

keda tambe y ta drenta half time. Den e di dos mita di wega, School Basico Washington ta sali mas decisivo y ta logra anota 4 gol mas pa asina sigui na Victoria y score final ta keda 5-0. Den e di dos wega ta enfrente otro Maria Goretti College y School Preparatorio Kudawecha, caminda cu School Primario Kudawecha den e prome mita di wega ta probecha di un bon oportunidad y den e segunda ta bay arriba cu score di 1-0. Despues di half time ningun di dos ekipo ta logra anota mas gol y asina e wega ta termina.

Asigui di biaha cu e wega pa e di tres y di cuater lugar entre e muchanan di

Cacique Macuarima School y Maria Goretti College. Aki Cacique Macuarima School ta logra bay cu e victoria cu e score minimo di 1-0. E wega final pa campeona bay entre e muchanan di School Basico Washington y e schoolnan di School Primario Kudawecha. E wega riba su mes a cuminsa cu un bon velocidad di ambos ekipo. School Primario Kudawecha ta probecha di dos oportunidad clave cu a presenta den e prome mita di wega y ta logra anota dos gol. Asina half time ta drenta. Despues di descanso e wega ta continua, y un biaha mas School Primario Kudawecha ta anota un gol mas y ta haci e wega bira 3-0.

E muchanan di School Basico Washington a ataca hopi den e wega aki, pero e defensa di School Primario Kudawecha tabata hopi solido y bon cera cu no a permiti ningun gol wordo anota. Asina e wega ta termina cu score final di 3-0 na favor di School Primario Kudawecha cu ta titula campeón di futbol categoria B-mucha homber organisa pa IBISA y School Basico Washington ta keda como subcampeon. Mesora despues di e wega a tuma lugar entregamento di medaya y trofeo na e respectivo ganadonan. IBISA ta felicita tur school cu a participa y specialmente esun cu a logra premio.





Napa autoparts tin un gran surtido di Gearwrenches sae y metric. Napa handtools. Tambe hydraulic jacks den tur tipo, Boosterpacs pa start bo auto, batterchargers. Napa aircompressors y toolboxes di chiquito te grandi. Tambe Napa ta ofrece servicio di fabrica HYDRAULIC HOSES pa bo auto of equipo den diferente size.

Napa su stock di oilfilters, fuelfilter y airfilters tambe ta na bo ordo.

**Napa Autoparts Santa Cruz 10 B**

**Orario :** dialuna pa diabierna 08.00-1200—1.30pm-5.30pm  
diasabra 08.00 - 4.00pm (non stop)  
**Tel 583 4363 Nos ta spera bo.**

Cura Cabay 145 - Tel: 5845046 \*\* Shaba 1 - Tel: 5870621

## “Atletico Madrid ta un candidato fuerte pa gana La Liga”

**CRISTIANO** Ronaldo, delantero di Real Madrid, a bisa cu Atletico Madrid “ta un candidato hopi fuerte” pa gana La Liga y a papia di e fortaleza di e team, cu a yega Barcelona den e clasificacion despues cu esaki a perde na San Mames contra Athletic. E futbolista di e team blanco a cambia e discurso habitual di Diego Simeone y di su hombernan, cu desde cu e torneo a cuminsa, den tur su declaracion, a sigura cu tin cu bay “wega pa wega” prome cu pensa na logra un titulo. Durante e premio di Marca, Cristiano a laga cla cu Atletico ta un candidato firme pa gana La Liga. “Claro cu e ta un candidato. Mi no ta sorprendi. Desde e temporada pasa mi a waknan hopi fuerte, hopi organisa, cu un gran entrenador. E ta un team hopi fuerte cu ta bayendo pa gana La Liga e temporada aki. Atletico ta un candidato hopi fuerte pa gana. Mi ta convenci cu Real Madrid lo gana. Atletico lo ta hopi fuerte”, el a bisa. Ademá, tabata cuestiona pa si Joseph Blatter, presidente di FIFA, a yam’e despues di e critica riba dje den e conferencia na e universidad di Oxford, di cual a papia tremendo di Messi y hasi un joke di comandante di Cristiano. E hungador portugues a mostra ironico: “Mi no tin telefoon. Esey, mi secretaria. E tipo di informacion nan ey no ta yegami”, el a bisa. Asina mes, cuestiona pa si lo acudi na e entrega di e Balon d’Or cu lo tuma lugar na Zurich e siguiente 13 di januari, no kier a contesta. “E mas importante ta disfruta di e premio Marca. Y mi ta gradici na Di Stefano (el a entrega esaki personalmente e premio na mihor hungador di aña) cu a bini aki, cu ta hasi un esfuerzo. E ta un fenomeno”, el a declara. Na ultimo, a papia riba su estado fisico. El a lesiona durante un wega contra Almeria y no por hunga contra Galatasaray den Champions League y contra Valladolid den La Liga. “Ya mi no tin lesion. Awo mester pensa e cosnan manera nan ta. Den e momento aki, Real Madrid, tin cu purba gana La Liga y Champions. Un club manera Madrid mester purba esey tur aña. Despues, Mundial, ya nos lo wak”, el a conclui.



### KÄRCHER SPECIAL



KÄRCHER COMPACT  
SEMI-PROFESSIONAL  
PRESSURE WASHER

1650 PSI  
ALUMINIUM PUMP  
DIRT BLASTER INCLUDED  
HEAVY DUTY 9 M HOSE  
EFFICIENCY LABEL  
QUICK CONNECT  
SOFT BAG

**799,-**

**KÄRCHER**

**CARIBBEAN  
FASTENERS**

ARUBA  
582 8449  
aruba@cfh-group.com

Price in AWG. Offer valid on Aruba, while stock lasts. Bag included.



# Gerardo Martino a wak un Barcelona aunke a perde

E entrenador di FC Barcelona, Gerardo Martino, a sigui a cu el a wak un Barcelona hopi bon na San Mames, apesar di perde pa prome biaha den La Liga, y ta kere cu pesey su team tabata merece obtene algun premio den su bishita na Bilbao.

"Periodistanan ta analisa den funcion di resultado y e dos ultimo nan aki tabata negativo, pero den e prome tempo mi a wak un Barcelona hopi mihor cu ora nos tabata gana. Sostene esaki den e derrota ta dificil, pero mi a wak un Barcelona hopi bon", Martino a bisa despues di e wega. Pa e tecnico argentino su team tabata superior riba Athletic t'e e minuut 70. Cu hopi control y profundidad, aunke a admiti si cu tabata falta precision den e pase exacto pa defini e hugada nan y cu desde e 1-0 e wega a drenta den otro terreno. "Nos a bini cu e intencion di soluciona e mal anochi na Amsterdam y mi ta kere cu nos a hasi hopi pa bay cu algo Barcelona. Den e prome tempo tabata un di e mihornan di campeonato y nos tabata tin situacion pa a score e prome gol di wega", e tecnico argentino a bisa.



Talentinstituut  Vertaalburo Groes  
**Scol Di Idioma**  
 CURSONAN JANUARI 2014  
 Papiamentu Naturalisacion: Trayecto completo  
 Hulandes Naturalisacion: Trayecto completo  
 Nederl op Herhaling (MBO)+ Frans-1 (oct2013)  
 English Beginners-2 --- Papiamentu Beginners-2  
 Spaans Intermediate-1- Spaans-2 (ochtend)  
 Yama: 5843768-6900169 – scoldiidioma@yahoo.com  
*No laga palabra falta bo!*

**DRAGON**  
 CD & ELECTRONICS  
 Mainstreet San Nicolas Tel. 584-3999  
 open 9.00 - 13.00 and 14.30 - 18.30  
*Dragon specials*

		
Samsung S4 Afl. 1275.00	4Blackberry Z10 Afl. 850.00	Samsung S3 mini Afl. 515.00

Also: Samsung S4, Samsung S3, Samsung Y, Duo, Advance, Ace, Ace plus etc.....  
 Accessories for: HTC Sensation XL, One X, Rhyne and Samsung S2, S3 and Note.  
 Also: Iphone 5s, Iphone 5c, Samsung S3, Samsung Note 2, Blackberry Q10 and Q5, curve 9380, curve 9220, 9320 and more.  
 Hp Laptop 15.6" 4Gb 320Gb Harddisk. Afl. 900.00  
 Hp Ink cartridges, Universal laptop adapters etc..  
 iTunes gift cards \$ 10.00 and \$ 15.00 and Playstation Network cards.  
 Sales, repair and accessories for all blackberry models and other cellulars.  
 Unlock, reload, reset, upgrade, replace led, keypad, speaker etc.....  
 Dragon Cd & Electronics  
 Mainstreet San Nicolas tel. 584-3999 open 9.00 - 13.00 and 14.30 - 18.30 hrs.

## Trabou a cuminsa bek na e stadion di Corinthians



E trabounan na e stadion Arena Corinthians, un di e escenario di Mundial di Futbol Brasil 2014 y sede di e wega inaugural, a reanuda dialuna despues di e accidente di diaranson ultimo, di cual dos trahador a muri pa e caida di un di e structura di hero pega. Despues di e tres dia di luto decreta pa e constructor Odebrecht, e 1.350 trahador a bolbe na trabou den e stadion, conoci popularmente como "Itaquerao", den e zona oriental di Sao Paulo. Den e area cu e accidente a sosode, equivalente na un 30% di e escenario y 5%

di e total trabou, ta mantene sera pa e trabou di investigacion pa parti di e autoridadnan.

E Ministerio Publico di Trabou tampoco a autorisa operacion cu crane y evalua su uzo t'e un ordo nobo. Prome cu e trabounan reanuda, e trahadornan a hasi un oracion colectivo ya rindi homenahe na dos compaño cu a fayece. Diaranson, ora un crane tabata ponendo e ultimo parti di e structura di e dak, e pieza, di un peso di 420 ton, a cay provocando daño den parti di e tribune y den un facade

construi cu tecnologia LED. Parti di esaki nan a cay riba un truck, provocando morto di e driver y un di e trahadornan cu tabata pasando eynan. E accidente a pasa den orario di comemento, loke a evita cu e tragedia tabata peor, debi cu mayoria di e trahadornan no tabata circulando eybando, manera ta habitual. Odebrecht a bisa durante un rueda di prensa, e mesun diaranson, cu e structura no a wordo daña y e cronogram di trabou ta mantene mescos, sin pone den riesgo e calender di FIFA.





Presidente di Atletico Madrid

## Enrique Cerezo contento di yega Barcelona den e tabla di posicion

**ENRIQUE** Cerezo, presidente di Atletico Madrid, a bisa ayera cu ta sinti hopi contento di a yega na punto cu e cabes di clasificacion, cual ta Barcelona. Pero ta sigui mantene e filosofia di e entrenador Diego Simeone, "di bay wega pa wega". Cerezo a ricibi na nomber di e delantero colombiano Radamel Falcao e Trofeo Comunidad Iberoamericana den e ceremonia di entrega di e Premionan Nacional

di Deporte cu tabata entrega pa e Famia Real na e Palacio di El Pardo. "Atletico Madrid tin un gran trayectoria, pero nos aspiracion ta bay wega pa wega. Awo loke nos ta preocupa ta e wega di Copa contra Sant Andreu y e siguiente siman un compromiso hopi dificil contra Valencia", Cerezo a bisa.

E presidente di Atletico a nenga cu ta preocupa cu den e mercado di compra, algun hunga-

dor por bay. Cerezo a coincide den e acto cu e presidente di Barcelona, Sandro Rosell, cu a ricibi e Copa Stadium como reconocimiento na FC Barcelona, vigente campeon di La Liga, pa su trabou pa promove e deporte. Rosell no a hasi declaracion, pero Cerezo si a desvela cu a papia cun'e y cu no a wake malo pa e hecho cu Barcelona a perde contra Athletic den su prome wega di La Liga.

"Sandro a bisami cu ta normal cu perde algun wega y no a comenta nada riba e arbitro nan". Aunke e presidente di Atletico kier a huy di e parti triunfal, el a reconoce si cu tin speranza di yega bon na e di dos siman di januari, unda nan lo enfrenta Barcelona. Riba si ta kere cu Cristiano Ronaldo merece gana e Balon d'Or, Cerezo a bisa cu e delantero portugues di Real Madrid a hasi merito, pero cu

e lo dun'e na su hungadornan Diego Costa of Koke. Riba e ausencia di Falcao pa ricibi e premio, e presidente di Atletico a revela cu e delantero colombiano tabata tin hopi ilusion pa tabata presente den e acto, pero cu ta hunga un wega den Liga frances cu su team di Monaco na Niza. Cerezo tambe a desvela su conversacion cu e Prins Felipe. "Ela bisami e ta wake team fenomenal y a felicita esaki".

Fernando Llorente:

## "Mi ta felis den Juventus"

E delantero spaño Fernando Llorente, autor di e gol pa e triunfo di Juventus riba Udinese (1-0), cu ta hasi su team mas lider, a muestra su satisfaccion pa e bon cu e cosnan ta bayendo. "Tabata un wega duro, di cual nos a crea ocasion pero no a logra materialisa. Na final nos a logra y mi ta contento pa un triunfo cu a yega net na final", Llorente a bisa, na final di e wega. E gol di Llorente a yega na e minuut 91, na desvia di cabes un tiro di su compañoer Lichtsteiner cu tabata bayendo afo. Apenas dos minuut prome, tambe di cabes, por a wak con e bala a wordo saca riba e linea di gol pa e keeper Allan. "Mi ta contento di con e cosnan ta bayendo. E tabata dificil imagina un comienzo asina. Mi a integra bon y mi ta sigui traha duro y keto pa bira mihor y hasi'e cada biah mihor", Llorente a bisa, cu a logra su cuatro gol di Liga como hungador di Juventus.





INTRODUCING

OUR NEW

Domino's<sup>™</sup>  
HANDMADE

# PAN

PIZZA

MADE FROM FRESH  
NEVER FROZEN  
DOUGH

CRISPY GOLDEN CRUST  
AND A  
BUTTERY TASTE

2 LAYERS of REAL CHEESE  
IN EVERY BITE

TOPPINGS ALL THE WAY  
TO THE EDGE

**CALL NOW!** Palm Beach: 586 0333 • Playa/ Tanki Leendert: 582 0333 • Savaneta 584 0444

\*Offer valid for carry out only. Limited time offer. Offer valid from Monday December 2, 2013 till Sunday December 8, 2013.

Not valid in conjunction with other promotions. All our prices are in Aruban Guilders. Best Pizza Aruba N.V. reserves the right to change prices without prior notification. The prices in our computer system are final. This promotion is not valid for Specialty Pizzas.

LIMITED TIME OFFER

OFFER VALID FROM  
DEC 2, 2013 TILL DEC 8, 2013

BUY A

MEDIUM  
2-TOPPING  
PANPIZZA

FOR

AWG

23<sup>50</sup>

CARRY OUT ONLY



**Un año nobo, un cas nobo, un bida nobo**

**GANAR E PREMIO DI BO SOÑO**

**TICKET Afl. 25,-**

**65 AÑA**

**SETAR CABLE GRATIS pa un año**

**AWA GRATIS pa un año**

**CORRIENTE GRATIS pa un año**

Sorteo ta tuma luga dia 6 di december 2013. Tin condicionnan aplicabel.  
Pa mas informacion bishita nos website na [www.arubalionsclub.org](http://www.arubalionsclub.org) of [ArubaLions](https://www.facebook.com/ArubaLions).

# New York Yankees a hasi Hiroki Kuroda un oferta

**NEW** York Yankees a extende un oferta na e habridor Hiroki Kuroda den un intento pa atrae e pitcher permanece un temporada mas den Bronx na lugar di retira of bolbe bek Japon pa hunga, segun un fuente cerca di e conocimiento. E cifra exacto cu a ofrece pa un temporada no ta conoci, pero ta specula ta rond di 15 y 16 milyon dollar.

Kuroda, di 36 aña, a ricibi 15 milyon den 2013. Prome cu yega na agencia liber, a nenga oferta di calidad cu Yankees a hasi p'e pa 14 milyon dollar. Kuroda a caba cu un record di 11-

13 y 3.31 ERA e temporada pasa. Den e prome cuatro luna di temporada, tabata claramente e mihor pitcher di Yankees. T'e ainda Yankees ta kere cu su mihor opcion pa complementa su habridornan cu CC Sabathia y Ivan Nova.

Kuroda tin e idea di bolbe bek Japon aki algun aña, pero a dicidi tey mas tempo. Yankees tin e idea di sigura su rotacion cu Sabathia, Kuroda, Nova y e habridor japonés Masahiro Tanaka. E futuro di Tanaka den MLB ta den limbo paso e oficina di MLB y liga japonés t'e ainda no a finalisa cu un acuerdo nobo, aunke ambos parti ta negosha. Yankees, ta sostente un fuente, lo hasi un proposicion fuerte pa bay cu Tanaka, incluso si no tin un acuerdo prome cu fin di aña. E di cinco lugar den e rotacion di Yankees lo wordo determina durante e spring training entre Michael Pineda, David Phelps, Adam Warren y Vidal Nuno.







## Barcelona a perde contra Athletic Bilbao y Real Madrid ta yega cerca

FC Barcelona tampoco a gana na San Mames, un veld cu Athletic Bilbao t'e ainda no conoce derrota, ye gol di Iker Muniain cu a duna e victoria riba e cabes di Liga BBVA. Barcelona di Tata Martino a ricibi su prome derrota na La Liga, e di dos consecutivo despues cu diaranson ultimo a perde na Amsterdam, pero t'e ainda ta sigui como lider den e tabla clasificatorio. Aunke ya ta empatá cu Atletico Madrid y cu Real Madrid na solamente tres punto di distancia. Athletic di Ernesto Val-

verde e triunfo ta pone nan den posicion di Champions League, cu a purba yega den tres ocasion e temporada nan anterior sin exito y cu ta wak nan mes na e posicion aki pa prome biaha den 10 aña. Muniain a dicidi e wegá cu un gol cu a premia e esfuerzo, intensidad y presion cu su team a pone durante full e wegá. E wegá tabata tin un otro hugada clave. Un accion di Ander Iturraspe riba Neymar pafo di e area na e minuut 58, sanciona pa e arbitro pero sin expulsa e mediocampista.



## Andrea Pirlo a lesiona su rudia y lo no hunga mas p'e aña aki

E mediocampista titular di e seleccion italiano y Juventus, Andrea Pirlo a lesiona su ligament di rudia banda drechi y lo no hunga t'e Januari 2014. Pirlo a sali di veld cu molestia ora apenas a pasa 13 minuut di e wegá contra Udinese dia-domingo. Juventus a informa dialuna cu a hasi test riba Pirlo y esaki ta sufri un lesion di segundo grado na un ligament di su rudia banda drechi. E team no a informa cuanto tempo lo ta afo, pero e lesion nan aki normalmente ta wantabo

un luna afo di veld. Juventus ta enfrente Bologna, Sassuolo y Atalanta den Serie A prome cu e descanso di fin di aña y tambe lo mester hunga contra Galatasaray den un wegá crucial den e grupo di Champions League. Pirlo tabata un elemento fundamental den e 11 di Juventus cu a gana e dos ultimo titulo di Liga Italia.





# Aruba Wieler Bond ta anuncia e Campeonan Nacional di Mountain Bike pa 2013

**DURANTE** e fin di siman di 23 y 24 di November, Aruba Wieler Bond conhuntito cu Tri-Bike Team a tene e campeonatonan nacional di mountain bike pa asina saca e campeon nan nacional pa 2013 den varios categoria. Campeonato Nacional – Categorianan menor Diasabra 23 di November pa 7:30 am a tene e campeonato pa e muchanan entre 6 y 14 aña. Esaki a tuma luga na Safir y a usa 3 diferente circuito. Categorianan 1 y 2 (6/7 y 8/9 aña) a core 2 buelta riba un circuito di 1.5KM. Categoria 3 (10/11 aña) a core 2 buelta riba un circuito di 2.7KM, mientras e categoria 4 (12-14 aña) a core un circuito mas dificil di 4.8KM.

Tawata tin un participacion grandi di no menos di 42 ciclista, cual ta ner 2 biaha mas hopi cu aña pasa. Un otro tendencia positivo ta e crecemento di participantenan femenino den e deporte di ciclismo. AWB ta spera cu esaki sigui crece y cu mas mucha muhe cuminsa participa na e deporte aki.

Na final a premia e top 3 den tur 8 categoria y e prome den cada categoria y pues e campeon nan nacional a keda den nomber di e siguiente ciclistanan:

Cat 1 Girls: Zahira Varis  
Cat 1 Boys: Marc Rasmijn  
Cat 2 Girls: Alenis Williams  
Cat 2 Boys: Sean Walle  
Cat 3 Girls: Skye van Doorn  
Cat 3 Boys: Zayron Rafael  
Cat 4 Girls: Michelle van Vliet  
Cat 4 Boys: Ruson Gonzalez  
Ademas di a premia e gana-

donan, tur mucha a ricibi un buki di storia cu ta introduci e tema di practica deporte limpi. AWB kier sigura cu nos ciclistanan, ya for di un edad hoben ta consciente di consecucionan di scoge pa tin un bentaha riba otronan den un forma ilegal, por ehempel cu dopaje. E bukinan a wordo publica conhuntito cu e WADA (World Anti-Doping Association) y den un forma tactico nan ta introduci e tema di "Fair Play" entre nos atletanan hoben.

Campeonato Nacional – Categorianan Mayor Diadomingo 24 di november a sigui cu e campeonato pa e categorianan di 15 aña bay ariba. Riba e fecha aki, tawata tin 51 participante registra cu a registra den 8 diferente categoria, 5 di hende homber y 3 pa hende muhe. Remarcabel tawata e cantidad grandi di participantenan den e categoria di Sub-Master masculino (30-44 aña), unda tawata tin 25 registracion, dunando asina e indicacion di age group cu mas ta practica e deporte aki.

Un biaha mas a uza e circuito di Safir, pero a pone un parti acerca cu ta pasa den Seroe Pela pa asina yega na un circuito di 6.5Km total, cu a conta un variacion di tereno pa asina test e coredonan nan tecnica, forsa y velocidad.

Pa e seguridad di tur ciclista a opta pa cuminsa cu e otro 7 categorianan prome pa 7:45 am y despues cu nan a termina, a start e categoria di Sub-master pa 9:20 am.



Na final di e mainta, a keda conclui e coredonan cu miho tecnica, mas velocidad y mas forsa cu nan contrincante nan den cada categoria y nan a sa di bay cu e titulo di Campeon Nacional MTB 2013.

Elite Masculino: George Wintertal

Elite Femenino: Zaida Everon  
Sub-Master Masculino: Ruud van Doorn

Master Masculino: Aat Hoek  
Master Femenino: Sandra Postma

Pre-Junior Masculino: Sjep ten Thije

Junior Masculino: Renze Postma

Junior Femenino: Cherley v/d Linden

E resultadonan completo di ambos dia ta disponibel riba nos website [www.arubacycling.net](http://www.arubacycling.net) y pa mas potret por bishita nos

facebook page: Aruba Wieler Bond. Cu esaki, AWB a termina cu calendario competitivo pa 2013 y por wak bek riba un aña exitoso cu calendario yena di actividadnan ciclistico. AWB ta gradici Lotto pa Deporte cu pa medio di Comision di Subsidio a pone fondonan disponibel pa e campeonatonan nacional aki. Tambe na tur boluntario cu a yuda cu marcamento di ruta y controle posten, masha danki pa e cooperacion manera semper. Aunke e calendario

oficial pa 2014 no a wordo publica ainda, nos por ya caba menciona e prome caredanan di MTB pa 2014 lo ta e Tri-Bike 3-daagse cu ta programa pa tuma luga dia 17, 18 y 19 di januari. Pa mas informacion di e actividad organisa pa AWB y su clubnan miembro, por yama na number di telefon 690-0400 of manda un e-mail na [arubawielerbond@gmail.com](mailto:arubawielerbond@gmail.com) of por bishita e website: [www.arubacycling.net](http://www.arubacycling.net) of sigui nos riba facebook via nos pagina Aruba Wieler Bond.





# Delegacion di Aruba ta biaha pa Brussel

Despues di a tene un serie di reunion na Hulanda, entre otro relaciona cu e peticion pa establecimiento di un Pre-Clearance Europeo na Aruba, Prome Minister Mike Eman y su delegacion ta biaha pa Brussels pa sigui cu encuentronan cu ta importante pa pais Aruba.

Na Brussel tin riba agenda participacion di Prome Minister Eman den un reunion di paisnan ultramar, cu lasonan cu Europa, cual lo tuma luga e siman aki diamars y diaranson. Ta importante pa Aruba participa, como un di e paisnan mas grandi di LGO. "Pero tambe Aruba a bin ta liderando un esfuerço pa cambia e cuadrante di kico ta LGO." Ela sigui splica cu algun tempo atras, LGO tabata un "aflopende zaak", ya cu Union Europeo a practicamente a elimina tur e aspectonan cu tabata caracterisa LGO. Akita tur e posibilidadnan pa exportacion

di p.e. sucu of koffie pa Union Europeo bou di un formula hopi atractivo. "E arreglo special cu tabata motibo di existencia di LGO, a wordo finalisa. LGO lo no tabatin ningun significacion mas si no tabata pa e pensamiento presenta



door di Aruba cu mester duna e grupo aki mas di loke UPG-nan tin, pa evita cu nan ta wordo mira como paisnan den sub-desaroyo cu de bes en cuando mester haya un asistencia financiero. Nos tabata kier pa nan mira nos mas como un partner cu tin un balor agrega pa Union Europeo.

Nos a pleita hopi aña pa mira e balor di unda nos ta situa y con nos por crea oportunidad pa conquista mercadonan den Latino America, si Aruba bira e centro di tecnologia y conocimiento pa paisnan Europeo." El a duna e ehempel di TNO cu a yega Aruba basa riba e concepto y pensamiento ariba describi, cual ta un concepto cu a wordo aproba como uno cu Union Europeo a tuma

over. Union Europeo ta mira e partinan LGO como potencialnan grandi pa crea centronan di inteligencia y conocimiento, cu ta encera institucionan manera TNO cu ta bin haci investigacion, of establecimiento di academianan. Door di cercania cu Latino America ta trata di atrae studiantenan pa e islanan, of bende cierto conocimiento of producto. "Awe nos ta mira cu LGO a haya, basa riba nos participacion continuo, a haya e dimension nobo. Na Brussel nos ta bay cuminsa duna e contenido aki y haya, kisas denter di poco, instituto y academianan for di Inglatera, Francia, Spaña, Alemania, etc. Nos a percura pa no solamente Hulanda mira e balor agrega di nos paisnan strategicamente ubica na mundo, pero pa Europa tambe mir'e. Di e manera aki haya entrada pa tur e paisnan menciona, pa haci uzo di e cercania di Aruba den un mercado completamente nobo pa nan," Eman a duna di conoce.


## Renald Thiel Kier Gradici...

Pa medio di esaki, Renald Thiel kier a gradici na prome luga, Papa Dios cu a duna e talento pa por practica e deporte di bowling, y tambe na tur hende cu un of otro manera A y Ta yudando. E, pa por logra su meta. Renald kier a gradici sigur su Tata cu semper ta para banda di dje cu su apoyo. Na su coach, Aldrick Maduro cu su pasenshi ta traha riba su formacion fisico na un manera profesional, na Cemedar y tambe na tur coachnan di seleccion, sigur coach James Porter cu a compaña den dos ocasion Internacionalmente e aña aki,

Thank you very much Jim. Na ARBAS cu su apoyo hunto cu Eagle bowling Palace unda tres biaha pa siman por train. Sigur na Prensa cu Semper ta cla pa duna cooperacion pa asina engrandecé tur deporte y sigur bowling aki na Aruba. Nos por wak atras un aña Super Exitoso den deporte di bowling y otro aña lo tin reto nan grandi pa cu e deporte aki. Sigur su Sponsor mas grandi cu ta Taco Bell cu E no tin suficiente palabra pa bisa nan Danki. Un Danki di Curason!! Sigur cu sin nan ayudo, Renald no ta cumpliendo cu su meta y danki na nan,

e exito di Renald. Live Mas!!!! Ultimo compromiso lo ta dia 25 proximo, esta Pasco, unda lo e bay representa Aruba den e di 19 torneo di Jose Luis "Chegui" Carde na San Juan Puerto Rico, organisa pa Paradise Kids. Sperando den 2014 riba e mes un bon cooperacion di boso tur, Renald ta termina, deseando boso tur y sigur tur su coleganan di bowling un Feliz Pasco y un 2014 yen di dicha y prosperidad Deportivo y cu tur boso soñonan wordo logra. Remember: NEVER GIVE UP!! Renald su logronan di aña aki ta: maart: 1 luga Qualificacion

Arbas seleccion, Maart: 1 luga Torneo Himno y bandera, april: Participacion na Kegeltraining Orlando Florida. Juni: 3 er luga Torneo Paul Croes, Juli: Torneo International Pabcon Ponce Puerto Rico, 10 luga "Single", 6 luga "doubles", 5 luga "Team", 10 luga "Mixed Doubles". Augustus: Torneo Internacional St Croix, 3 luga "Team", 6 luga "Doubles", 5 Luga "Single". Augustus: Torneo "Back to school" 3 luga single. Augustus: Qualification Seleccion ARBAS Team Aruba 2013-2015, 1 luga youth



October: Torneo Trikor Treat, 2 luga youth. November: CONCECABOL San Jose Costa Rica 1 luga Sub 16 Doubles, 7 luga "Master" Sub 16. November: ARBAS 4th National Tournament 2013 2 luga Youth

## Ladronnan ta horta herment di contratista

Asistencia di Polis a wordo pidi diadomingo 09.05, na Kerki Protestant, den Wilhelminas-

traat pa un ladroncia. Eynan e homber S, kende ta na encargo di e Kerki, a bisa polisnan cu

mainta el a yega na e luga y ta haya cu ladronnan a corta e candal di e deposito y a bay cu

algun mashin y tambe algun herment cu ta pertenece na e contratista Eljo.

Un lista lo wordo manda hunto cu e keho.



# CEO di Aruba Tourism Authority (ATA) ta reconoce y gradici Maestronan di Scol pa loke nan a haci p'e

"Un compliment p'e trabou duro"

**NOS** tur por corda un of mas Maestro di Scol cu a haci un impacto positivo riba nos, maestronan cu a contribui na nos formacion y yuda nos yega unda nos ta awe.

Den cuadro di e proyecto Maestro di Aña, Ronella Tjin Asjoe-Croes, CEO Aruba Tourism Authority (ATA), ta recorda juffrouw Edith Harms (q.e.p.d.) meneer Norman Roos y juffrouw Annette Bredie entre otro, "Mi tin diferente maestronan cu sigur a hunga un papel importante y cu mi ta corda." Ronella ta conta.

Un maestra particular cu tambe tabata hopi special p'e tabata juffrouw Croes cu alabes ta Mama di Ronella.

"E tendencia ta pa corda esunnan di e materianan cu bo ta gusta, pues mi ta corda juffrouw Bredie di e idioma Ingles. Te cu dia di awe e ta dunando les y ta

un hende cu mi tin hopi resper p'e, pa e cantidad di añanan cu e ta dunando les, pa e consistencia den haci esaki y tambe un hende cu mi ta haya un modelo den e manera cu e ta trece cos dilanti y ta duna su contribucion, no solamente como maestro pero tambe como persona.

M'a disfruta masha hopi mes durante mi añanan na Colegio y esaki gran parti ta danki na e maestronan, pues mi kier reconoce esey y gradici nan pa loke nan a haci pa mi pero tambe pa tur otro alumno y duna nan un 'compliment' p'e trabou duro." Por wak e video completo riba e website Enseñansa Aruba | [www.ea.aw](http://www.ea.aw).

Consciente di e balor inmenso di e trabou di un Maestro di Scol Departamento di Enseñansa Aruba (DEA) hunto cu Ministerio di Enseñansa ta otorga pa di tres aña consecutivo e premio nacional



di reconocimiento "Maestro di Aña". Un proyecto cu tin como meta pa duna atencion positivo pa enseñansa, reconocimiento pa trabou di e Maestro di Scol y ilustra y stimula maestro di calidad, enfocando mas riba e cosnan positivo cu ta sosode den klas, danki na e esfuerso

di e Maestro di Scol. Pa mas informacion di e proyecto aki of di Enseñansa na Aruba por acudi na nos website [www.ea.aw](http://www.ea.aw). Tambe por sigui Enseñansa Aruba y/of Education Aruba riba Facebook y Twitter pa keda na altura di tur informacion.



## Nos ta regala bo un celular

Si bo tip conduci na un articulo exclusibo den AWEMainta  
Potret saca cu camara of celular tambe ta participa



# TIPLINE

**sms: 737-tips hotline: 737-8477**  
**email: [tips@awemainta.com](mailto:tips@awemainta.com)**

# Digicel





*Biba cada momento*

" Señor ta mi wardador, mi n' tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa."  
Salmo 23:1,2,3

Cu inmenso tristeza na nos curazon, nos ta participa  
fayecimento di:



**Francis Jacob Lacle**  
Mihor conoci como: "Pati"  
\*21-10-1946 †02-12-2013

Acto di entierro ta tuma lugar Diahuebs 5 di December pa 3'or di  
atardi saliendo for di The Olive Tree Funeral Home pa santana  
Central na Sabana Basora. E resto mortal lo ta reposa for di 1'or di  
atardi den The Olive Tree Funeral Home na Cumana.

Adres pa condolencia: The Olive Tree Funeral Home na Cumana  
Diaranson 4 di December di 7'or pa 9'or di anochi

Bernhardstraat 134-136 - San Nicolas Tel 584 8888  
theolivetreefuneralhome@gmail.com  
www.theolivetreefuneralhome.com

## EWorkshop "Protecting the integrity of your business" tabata un exito

Pa comerciantenan, e comportacion di e empleadonan pa cu tercer personanan ta mes relevante cu nan comportacion na oficina. E reputacion di un compania ta un di e factornan pa ta exitoso. Sinembargo varios biaha dunado di trabou ta haya nan confronta cu situacionnan caminda cu e comportacion di su empleadonan por daña e reputacion di e negoshi.

Diahuebs ultimo, ATIA den colaboracion cu Oficina di Abogado Monica Kock & Partners a organisa e workshop "Protecting the integrity of your business". E workshop a wordo duna pa Abogado Sra. Monica Kock.

E obhetivo di e workshop tabata pa facilita e comerciante/management team cu informacion legal relevante en cuanto e proteccion di e integridad di



negoshi. Durante e workshop a cubri preguntanan manera: con bo por evita cu e comportacion di bo empleadonan por daña bo negoshi su reputacion y ki medidanan y/of pasonan huridico por wordo tuma despues di comportacion nan asina; con obligatorio un clausula di no-competencia (concurrentiebeding) ta; con e comerciante por evita e uzo di informacion di su compania y garantiza cu su informacion y negoshi ta protegi; y ki medidanan por tuma ora cu un empleado ta haci trabou pa

clientenan despues di orario di trabou na un prijs mas barata. Durante e workshop tur hende presente por a haci pregunta y comparti nan experencianan cu otro.

E workshop tabata exitoso y interactivo. ATIA kier a gradici Sra. Monica Kock pa su contribucion pa haci e workshop aki posibel. Ademas ATIA ta spera di por sigui facilita su miembronan y esnan interesa cu informacion valioso pa nan negoshi.



**CENTRALE BANK VAN ARUBA**

De Raad van Commissarissen, Directie en Personeel van de Centrale Bank van Aruba maken hierbij het overlijden bekend van

***De heer Cerilio (Jichi) MADURO***

Broer van de heer C.G. (Joe) Maduro, voorzitter van de Raad van Commissarissen van de Centrale Bank van Aruba.

Er is gelegenheid tot condoleren op dinsdag 3 december 2013 bij de Aurora Funeral Home te Cumana, van 19.00 uur tot 20.30 uur.

De crematie van de heer Cerilio (Jichi) MADURO vindt plaats in Vlissingen, Nederland.

Wij wensen de heer C.G. (Joe) Maduro en familie veel sterkte toe bij het verwerken van dit enorme verlies.

Moge de heer Cerilio (Jichi) Maduro in vrede rusten.

Condoleance-adres in Nederland: sandromaduro228@gmail.com





Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Señor ta mi wardador, mi'n tin falta di nada.  
Den cunucu di yerbe berde, E ta ponemi  
sosega.  
E ta hibami na awa tranquil, pa mi bolbe hana  
forsa".  
Ps. 23: 1,2,3

Cu inmenso tristesa nos ta anuncia cu na  
Hulanda a fayece  
cristianamente nos tata, abuelo, ruman,  
sobrino y omo stima



**CERILIO "JICHI" MADURO**  
na edad di 65 ana

Na number di su:

- |                          |  |
|--------------------------|--|
| Yiunan (Hulanda)         | Cerilio y Sandra<br>Maduro-Woudenberg<br>Sandro y Patricia<br>Maduro-Berkhouwer  |
| Niet(a)onan (Hulanda)    | Kris y Simon Maduro<br>Ruben y Tessa Maduro  |
| Rumannan                 | Joe y Myra Maduro-<br>Arends<br>Freddy Maduro y Gianna<br>Koolman<br>Alchi y Maria Maduro-<br>Tromp<br>Quito y Roslin Maduro-<br>Kock<br>Chibi de Cuba |
| Tantanen                 | Elizabeth Croes-Maduro y<br>famia<br>Sissi y Fons Rodriguez-<br>Bislick y famia<br>Lulu y Neew Lioe-a-<br>Tjam-Bislick y famia                         |
| Sobrin(a)onan            | Lorena y Addi, Raul,<br>Jaime y Selimah y famia, Carlos y Lilah<br>y famia, Tammy, Donovan y<br>famia, Amarelle, Jovan,<br>Arienne, Luigi y Farrah,    |
| Amanda y Alan, y Letizia |  |

Cremacion lo tuma luga na Vlissingen,  
Hulanda.

Oportunidad pa condolencia na Aruba na  
Aurora Funeral Home na Cumana, diamars 3 di  
december 2013 di 7 pa 8.30 or di anochi.

Adres pa condolencia na Hulanda:  
sandromaduro228@gmail.com

# Homber basta burachi canando riba caminda

Polisnan di Oranjestad, diado-  
mingo 04.10, ta mira un homber  
burachi ta cana riba caminda cu  
un boter den su man y tabata  
basta burachi. E tabata grita y  
haci hopi desorden. Mirando  
su Situacion, polisnan a bay  
pa detene. Pero el a bira hopi  
agresivo y no tabata rasona.  
Supuestamente e tabata bou di  
influencia di alcohol of cualkier  
otro substancia. E tabata papia

cu lenga pisa y no por para riba  
su pianan. Durante cu Polisnan  
a detene, el tabata hopi agresivo.  
El a bringa contra e polis y a  
tene na su kraag y no kier lag'e  
los. E Polis a bisa cu e homber  
a rank'e asina duro na su kraag  
cu el a haya dolor. Despues di  
algun klap, e Polis a logra kibra  
su forza. El a sigui bringa y cu  
ayudo di otro patruya, cu a bin  
reforsa, Polisnan despues di

un luchamento cortico, a logra  
pon'e den boei. Despues a hib'e  
cu dogcatcher warda caminda  
el a keda cera pa buracheria.

## Homber bou di influencia deteni

Polis ta bay diadomingo 05.40  
na altura di e dam na Cas Ari-  
ba, caminda a dreña informa-  
cion cu tin un homber banda di  
caminda den su pickup banda  
di e dam. Polisnan bayendo pa  
e sitio ta mira un pickup cu ta  
coriendo banda di dam. Nan  
ta mira cu e auto tabata core  
zwaai riba caminda. Ora cu  
Polisnan a controla e chauf-  
feur L.G. naci na Venezuela  
di 44 aña, nan a mira cu e ta  
fuertemente bou di influencia  
di alcohol. Nan a lag'e supla,  
caminda el a supla 901 ugl. El  
a keda deteni y hiba warda di  
Santa Cruz, caminda el a keda  
cera pa investigacion.

## Asistencia pa choller cu cuchiu den su man

Asistencia di Polis a wordo pidi  
diadomingo 07.56 na Circle K,  
den pa problema cu choller. Ey-  
nan e cahera, a bisa cu un chol-  
ler muhe un rato mas prome el  
a dreña den e negoshi cu un  
cuchiu den su man. E choller a  
keda cana den e luga. E cahera  
a puntr'e kico e ta haci cu e  
cuchiu den su man. Despues el  
a sali sin bisa nada y a laga e  
cuchiu atras. E cahera a duna  
Polisnan e cuchiu y a muestra  
Polisnan a choller. Polis a papia  
cu e choller y a hala su atencion  
riba canamento cu cuchiu

*Biba cada momento*

" Señor ta mi wardador, mi n' tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe hana forza. "  
Ps. 23:1,2,3

Cu inmenso tristeza na nos curazon, nos ta participa cu a fayece:

**Raimundo Luciano Franken**  
mihor conoci como: "Rey Boxdo", "E Carpinte"  
7 januari 1930 - 30 november 2013

Acto di entierro lo wordo anuncia despues.

Bernhardstraat 134-136 - San Nicolas Tel 584 8888  
theolivetreefuneralhome@gmail.com  
www.theolivetreefuneralhome.com

ALL DISTANCE RUNNERS ARUBA "ADRA"  
COMO ORGANISACION REPRESENTANDO E DEPORTO DI  
COREMENTO  
TA ANUNCIA FAYECIMIENTO DI



**Sr. Antonio Miguel Moreno Belisario**  
Nos profundo condolencia ta bina famia Antonio  
Moreno.

Hopi forza den e momentonandificilaki.

Cu Antonio sosegana Paz  
E Famia di ADRA



## Aurora

Funeral Home

Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Bou di alanan di Dios mi ta sigur"  
Abo cu ta biba bou di amparo di Altisimo, ta hospeda  
den sombra di Dios Omnipotente, bisa Señor:  
"Mi refugio, mi forti, mi Dios, den kende mi ta  
pone mi confiansa"  
Salmo 91:1-2

Cu inmenso tristeza na nos curazon pero conforme cu  
Dios su boluntad nos ta participa fayecimento di:



**Feronike H.F. van Dumfries Ferreira**  
\*07-01-1921 †30-11-2013

Acto di entierro lo wordo anuncia despues.

## Aurora

Funeral Home

Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Cu inmenso tristeza na nos curazon pero conforme cu  
Dios su boluntad nos ta participa fayecimento di:



**Fabian Kock**  
\*20-01-1935 †01-12-2013

Acto di entierro lo wordo anuncia despues.



STICHTING VOOR VOLKSGEZONDHEID VAN

**Het Wit Gele Kruis Aruba**

Sinds 1959 ten dienste van de Arubaanse gemeenschap  
Tel: 5824444/ Fax: 5824411

### INFORMACION PA HENDE CU TIN SUCU!

Ora bo tin sucu y bo tin sobrepeso, ta hopi importante pa baha peso. Si bo ta baha peso, bo ta:

- baha e riesgo di problema di curazon y adernan
- baha e nivel di sucu;
- reduci e cantidad di remadi;
- reduci e nivel di colesterol;
- sintibo fisicamente mihor.

**Menos peso, mas saludabel!**


**PA MAS INFORMACION : 582-4444**



Biba cada momento

"Laga tur locual, cu ta sperami ta bunita,  
Laga tur locual, cu mi encontra na caminda ta bunita, Laga tur  
locual, cu ta rondonami ta bunita  
Laga tur locual mi ta laga tras keda bunita  
y laga esakinan termina den tur bunita."  
Cado Wever

Cu inmenso tristeza na nos curazon, pero agradecido pa tur  
locual e a nifica pa nos y conforme cu boluntad di Dios nos ta  
participa fayecimento di nos querido mama,  
wela, ruman y tanta stima:



Sra. Vda. Maria Altamira Christiaan-Frans  
Mihor conoci como: "Mientje" of "Chichi"  
8 september 1949 - 29 november 2013

Na nomber di su:  
yiunan:

Gregory Christiaan y Judella Kelly  
Xiomara Christiaan  
Ro-John Maduro

Mescos cu yiu:  
nieta y nieto:  
rumannan:

Jon Geerman  
Reginald y Xylaine  
Benny Frans na Bonaire  
† Boni y Mena Frans  
Walter y Carmen Frans  
Nelson Frans

sobrinonan:

Violeta Frans y Candy Boekhoudt  
Adolpho y Emiluz Frans  
Mena Frans y Francis Thomas  
Anthony y Johana Frans y yiunan  
Arthur Frans y Eveline Ponson y Zaney  
Burty Frans na Hulanda  
Kendrick Frans

sobrinanan:

Lisandra y Norman Aponte y yiu  
Zuleima Frans  
Ariane Frans

swa y cuña:

Sira y Betrand Tromp y famia  
Lucas Christiaan y famia

tanta:

Julieta Evertsz y famia na Bonaire

omo:

Eramos Frans y famia na Corsou

primo y primanan na Bonaire, Corsou y Hulanda

iha stima:

Zuleima Frans

amiga di cas:

Ana Paesch

famia:

na Aruba: Christiaan, Frans, Flemming, Maduro, Kelly,  
Figaroa, Tromp, Thomas, Boekhoudt, Valentijn, Goedgedrag,  
Aponte, Orman, Dreischor, Farro, Eckmeyer, Giel, Luidens, Gomez,  
Paesch, Lampe, Croes

na Bonaire y Corsou:

Evertsz, Oleana, Martis, Statie,

Albertus, Silie, Weyman, Lepelaars, Anthony, Janga

y demas famia ta invita tur amigo, bisiaña y conoci pa asisti na e  
acto di entierro ta tuma lugar Diamars 3 di December pa 4 or di  
atardi saliendo for di Misa Sta. Anna pa santana catolico na  
Noord. E resto mortal lo ta reposa for di 2 or di atardi den Misa  
Sta. Anna na Noord.

Na lugar di flor of krans un donacion pa "Misa Santa Anna" lo ta  
altamente aprecia. Lo tin un box disponibel den Misa pa e bunita  
gesto aki.

Adres pa condolencia: The Olive Tree Funeral Home na  
Cumana

Dialuna 2 di December di 7'or pa 9'or di anochi

Nos ta lamenta cu despues di entierro nos no por ricibi bishita di  
condolencia na cas.

Nos kier a pidi nos disculpa si nos por a lubida un of otro famia  
den nos tristeza.

Bernhardstraat 134-136 - San Nicolas Tel 584 8888  
theolivetreefuneralhome@gmail.com  
www.theolivetreefuneralhome.com

## Servicio pa Comunidad



### Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis TipLine:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

### Botica na warda

**Pabou di Brug:** St. Cruz NV

**Pariba di Brug:** C. Medico NV

### Dokter na warda

**Pabou di Brug:**

Dr. -

**Pariba di Brug:**

Dr. -

### Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

### Funeraria

AD Patres:	5842299
Aurora:	5886699
The Olive Tree:	5820000

### Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Jean Foundation:	588-9999
Koningin Wilhelmina Fonds:	582-0412

### Cas Editorial



**The Media Group**

Magrietstraat #3

Oranjestad, Aruba

Tel: 583-1400 fax: 583-1444

### Orario oficina:

Dialuna pa diabierna  
8am - 5pm

### Cuenta di banco:

CMB #22982600

### E-mail

Redaccion: noticia@awemainta.com

Aviso: aviso@awemainta.com

**Abonament:** Afl 25,- pa luna

### Director:

Victor "Toko" Winklaar

Victor R. Winklaar



# Parlamentario mr. Desiree de Sousa Croes Pabien na Stichting Speransa cu nan 3 aña di existencia y e bunita trabounan realisa

Riba Dia Internacional di Personanan cu un Limitacion, 3 di december, tres aña pasa Stichting Speransa a wordo fundado pa un grupo di boluntarionan Arubiano biba na Hulanda. Cu ayudo di notario Sr. Kenneth

Arends a lanta e fundacion cu tin como meta principal brinda ayudo na mucha y hobennan special cu ta establece nan mes na Madre Patria.

Varios di e boluntarionan ta mayornan di yunan special,

pues expertonan di experiencia, cu masha hopi amor y pasenshi pa yuda otronan den un situacion reconocibel.

Den e tres añanan di existencia di Stichting Speransa hopi a wordo regla y ya diferente famia a haya ayudo den nan prome lunanan na Hulanda. Sea cu un bon splicacion di loke nan por spera, con pa yega na un cas, informacion tocante scol pa e yiu(nan), ayudo cu cuminda, paña of muebles, con pa traha un peticion of simplemente un palabra di corahe. Boluntarionan di Stichting Speransa ta duna hopi di nan tempo liber, di nan conocemento na yuda esunnan den nos comunidad cu ta scoge pa bay biba na Hulanda pa motibo di salud y condicion di nan yiu. Mi ta hopi honra di por a forma parti di e team dinamico di Stichting Speransa y ta gradici cada un di nos hendenan aya cu ta para semper cla pa yuda un mayor cu un yiu special. Un danki di curason a bay pa famia Lacle, de Mey, Vrolijk, van der Biezen, Wanga, Geerman, Toppenberg y tur esunnan cu semper a para cla pa yuda nos chikittanan cu mas mester di nos ayudo.

## AUTO BIEU

Nos ta piki tur sorto di auto bieu,  
Completamente GRATIS  
Tambe nos ta piki airco, bateria,  
Stoof, wasmachine, fridge, etc.  
Completamente GRATIS.  
Jama nos na tel: 561-4297/ 592-5766

### Resultado di Loteria

<b>CATACHI</b> 2:30 9:00 8188 3475 4980 2780 9332 0050		<b>ZODIAC</b> 2:30 1859 Sagitario 9:00 4148 Libra
<b>LOTTO DI DIA</b> 08-30-10-22-11		<b>BIG 4</b> 2:30 8417 Blanco 9:00 4081 Blanco
<b>DIARIO</b> 6990 1661 3104	<b>SUPER FOUR</b> 3691	<b>LOTTO</b> Cambiando Dia

### TIPO DI CAMBIO OFICIAL

Valido pa 27 November 2013

Placa Extranhero	Bank Papieren	Wisselen, Cheque Reis Cheque en Over Boekingen	Benta na Publico
US Dollar	1.77	1.78	1.80
CAN Dollar	1.66	1.68	1.70
Engelse Pond Sterling	2.82	2.87	2.93
Zwitserse Frank per CHF. 100	195.37	196.09	196.89
Ned. Ant. Gulden per ANG. 100	98.00	100.00	biljetten 100.20 chg./overboeking 100.00
Japanse yen per JPY. 10.000	173.38	174.96	176.72
Euro per XEU. 100	238.51	240.69	243.11



Provision di Devisa 1.3%  
Segun articulo 12 di Atkondigingsblad di Aruba 1991 nr. GT 32.  
Banco Central di Aruba ta defini e tipo di cambio oficial pa e cambianan di placa extranhero.

**BANCO DI CARIBE**

**Labco**  
**MEDICAL / HOME HEALTHCARE**  
RENTAL/SALE of Medical & Home Healthcare

- \* Wheelchairs
- \* Beds
- \* Walkers
- \* Bathchair
- \* Commodes
- \* Crutches / Canes
- \* Oxygen Concentrators/Cylinders

**Difficulty Walking**  
**Rent a portable electro scooter**  
(Fits in all cars, trucks, 41lbs).

**24 Hours Services!**

**Tel: 582-6651 Fergusonstraat #52, Dakota**

### Horoschoop

**Aries** 21 Mrt - 20 Apr  
Asuntu di plaka ta kreando tenshon atrobe entre abo i bo pareha. Bo ta awor entre dos. Ainda si tur kos ta awor manera bo ta deseá, bo desishon ta hopi kla.

**Tauro** 21 Apr - 20 Mei  
Loke tin ku haber ku estranheria, ta yamando bo atashon poderosamente. Sin embargo, bo ta enfrentá estorbo den bo biahe, pa loke bo tin ku revisá masha bon mes..

**Geminis** 21 Mei - 20 Jun  
Ta momentu di kuminsá hasi e kosnan riba bo mes sin ayudo di aiua hende. Tuma inisiativa, bo por logra loke bo ta deseá, ya ku bo ta poseé determinashon.

**Cancer** 21 Jun - 20 Jul  
Asuntunan sentimental ta kompliká den bo bida. No ta parse ku bo ta yega na ningun akuerdo pa awor aki ku bo pareha..

**Leo** 21 Jul - 20 Aug  
Responsabilisá bo mes pa bo akshonnan i no kulpá otronan di desishonnan bon o malu ku bo mes a tuma últimamente.

**Virgo** 21 Aug - 20 Sep  
Bo ta sintibu motivá durante dia pa komuniká, ekspresá tur loke bo ta sinti. Tene kuido di papia o bisa demasiado, especialmente di bo asuntunan íntimo.

**Libra** 21 Sep - 20 Okt  
Sue rte ta bahaudo riba bo durante dia. Bo ta yega na plaka pa medio di asosashon, kontrato o negoshi. Ilumina bida di un hende ku bo konseho..

**Scorpio** 21 Okt - 20 Nov  
Un hende ta duna bu notisia ku ta kita un peso for di bo. Bo tin awor un preokupashon ménos den bo bida i esei ta hasibu felis..

**Sagitario** 21 Nov - 20 Dec  
No kere loke ku nan a primintibu, ni tuma e kosnan tantu na serio. Tin sigur, ku e informashon ku bo a risibí ta korekto.

**Capricornio** 21 Dec - 20 Jan  
Buska moda pa distraí bo mes, sali di e rutina sia ku e ta afekrá bo trabou o bo responsabilidatnan. Tur biahe kòrtiku òf largu ta primintí di bira dibertido.

**Aquarius** 21 Jan - 20 Feb  
Bo ta destaká den tur kos, sea ta deporte o ehersisio físico. Bo ta gusta di hasi kosnan lihé, loke por okashoná problema, especialmente na trabou.

**Piscis** 21 Feb - 20 Mar  
No ta bale la pena diskutí, ni pone bo mes na malu ku e seranan kerí ku tin biaha ta saka bu for di bo kueru. Buska un lugá, uada bo por ta bo so ku bo mes.



## Aurora Funeral Home

Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Señor ta mi wardador, mi no tin falta di nada.  
Den cunucu di yerba berde e ta ponemi sosega.  
E ta hiba mi na awa trankil,  
Pa mi bolbe haya forsa".  
Salmo 23: 1,2,3

Cu profundo tristeza, pero conforme cu boluntad di  
Dios.  
Nos ta participa fayesimento di nos Mama, Wela,  
Bisawela,  
Tanta y Suegra Stima:



**Señora vda. Adelle Kuiperi-Chemaly**  
\*22 oktober 1926 †30 november 2013

Na number di su:

Casa: † August Bernard Kuiperi Jr.  
(Don Tico)

Yuinan: Frankie y Shirley Kuiperi  
Leslie y Maria Kuiperi  
† Ralph & Marilina Kuiperi  
Gina Kuiperi  
Rino Kuiperi

Nieta (o)nan: Nashma Kuiperi, Yahaira  
Kuiperi, † Zagra Kuiperi,  
Solange, Kuiperi y Albert,  
Kimberly Kuiperi, Ralph  
Kuiperi Jr., Gino  
Kuiperi y Usha, Shahide  
Kuiperi, Jearina Kuiperi

Bisanieto (a)nan: Jaydon Kuiperi, Kyron  
Kuiperi, Stephanie Bikker,  
Gianno, Carter, Ocean Carter,  
Isaac Pop, Prince Pop, Kyzia  
Kuiperi, Jaydon Kuiperi,  
Alyssha Kuiperi

Subrina (o) nan Stima: Gladys Scippa Chemaly  
Maritza van Romondt Kuiperi  
Bobby y Veronica Chemaly y  
famia  
Johnny y Glenda Chemaly y  
famia

Su Yui sin Dolor: Diana y B. Kooyman y famia  
Dora Palacio

Demas famia, subrino y subrinanan, cuñanan, amigo y  
amiganan, bisña y conocirnan.

Grupo di Viuda Rich & Famous:  
Gege, Selsa, Oncha, Femi, Trina, Chima, Ola, Paula y  
Palmita

Demas Famia: Kuiperi, Chemaly, Tromp, Marcano,  
Werleman.

Ta invita pa asisti na e acto di entierro cual lo tuma lugar  
diaranson 4 di december 2013 na Aurora Funeral Home  
di 9'or pa 11'or di mainta despues lo sali pa Santana  
Protestant na Playa.

Enbez di flor of krans lo tin un box disponibel pa  
Wilhelmina Kanker Fonds.  
Nos ta pidi nos disculpa si den nos tristeza nos por a  
lubida un of otro famia.

## Aurora Funeral Home

Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

Lagrima y floran por seca su recuerdonan y tur loke e la  
hasi y significa pa nos lo keda graba pa semper den nos  
mente y curason.

"Cerca Dios mi alma ta na paz, ta di dj'E mi salvacion ta  
bini"  
Salmo 62:1

Cu profundo tristeza na nos curason,  
nos ta anuncia fayecimento inesperadamente di:



**Francisco Rafini**  
mihor conoci como "Chico of Chicote"  
\*03-12-1948 †29-11-2013

Na number di su:

Mama: † Margarita Werleman

Tata: † Pedro Rafini

Padraastro: Genaro Werleman (Nadi)

Rumannan cu a stime:

Alberto y Mena Rafini-Wernet  
Irena y Emi Boekhoudt cu a stime hopi  
Jolanda y Miano Croes-Rafini  
Esteban Rafini cu a stime hopi  
Franklin y Ana Werleman-Diaz  
Ronny Werleman cu a stime hopi  
Subrina y subrinonan cu stime:  
Lisette Boekhoudt y Carlos Oliveira y  
famia cu stime hopi  
Gino Boekhoudt y yiu  
Sharon Boekhoudt cu a stime hopi  
Chamila Croes  
Oswin Croes  
Sheila Rafini y Albert Tromp y famia  
David Rafini y yiu  
Jenny Rafini y Joyce Semeleer y yiu  
Junior Rafini y yiu  
† Mylene Rafini  
Jonathan, Alexander y Renny  
Werleman  
Tanta y omonan:  
Remacla y famia  
Sira y Eloy y famia  
Nichi y Johnny na Hulanda  
Taly y famia  
† Daniel y Maria y famia  
† Beltran y famia

Su sobre subrinanan, primo y primanan, achterprimo y  
primanan, conocirnan

Demas famia: Rafini, Everon, Werleman, Boekhoudt,  
Croes, Wernet, Diaz, Dania, Koolman, Santana, Oliveira,  
Tromp, Semeleer

Ta invita tur amigo y amiganan, bisña y conocirnan pa  
asisti na e acto di entierro cual lo tuma lugar diaranson 4  
di december 2013 na Aurora Funeral Home di 2'or pa  
4'or di atardi, despues lo sali pa Santana central na  
Sabana Basora.

Adres pa condolencia: Aurora Funeral Home, diamars 3  
di december 2013 di 7'or pa 9'or di anochi.

Nos ta pidi disculpa si den nos tristesa nos por a lubida  
algun famia.

**Haya bo corant tur dia den bo inbox**

**Registra Awo na**

**noticia@awemainta.com**

"like" us on  
facebook

**AWE  
Mainta**  
e corant di Toco





Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Lo e seka tur lagrima for di nan wowo, I morto lo no eksisti mas, lo no tin nada di rou, nada di yoramento, nada di dolor mas, pasobra tur kos di antes a pasa bai"  
Rev. 21:4

Cu honda pena pero conforme cu boluntad di Dios, nos ta anuncia fayecimento cristianamente di:

### Nelson Ruben Tromp

Mihor conoci como "Nel",  
Boogie-Boogie, Gordo"  
\* 21 september 1954 -  
† 28 november 2013



Na nomber di su casa:  
Yuinan:  
Nietonan:  
Su mama:  
Su tata:  
Rumannan:  
Suegra:  
Suegro:  
Subrina y subrinonan:  
Cuñanan y swanan:  
Madrina:  
Iha:  
Primanen y primonan

Luzmila Tromp-Torres  
Cesar Tromp y Lizayra Tromp-  
Polak, Luzneyla Tromp y yiu  
Nerelin Tromp y Daryl Wever  
Nely-Ann  
Nigel, Jecenary, C-Jay,  
Airengely, Daryleen,  
Darshleen  
†Ana Julia Tromp  
†Eustacio Tromp  
Vda. Ana Ramona Nuboer-  
Tromp, Magdalena(Chichi) y  
Danny Marchena-Tromp  
Rafaél y Judith Tromp-  
Cardenas, Roy y Patricia  
Tromp-Camargo  
Vda. Cruz Amalia Torres de  
Torres  
†Herminio Torres  
Buty Marchena, Gina Nuboer,  
Eugene, Marchena, Maribel  
Nuboer, Gregory Tromp,  
Angelo Tromp, Ramphis  
Tromp, Zulaica Tromp,  
Randinier, Tromp, Reesha  
Tromp, Ragier Tromp  
Annie y Jan Stifel  
Jose Torres y yiu,  
Martha y Carlos Londoño,  
James y familia, Arturo York y  
familia, Bergin Torres y familia  
Brigida "Shoma" Tromp y familia  
Nerieth York Torres y Juny  
Jansen

Demas familia: Tromp, Nuboer, Machena, Camargo,  
Zavala, Kock, Hoek, Martinis, Wever, Martina, Polak,  
Mozo, Croes, Torres, Barreirro, Vingal, Sanchez, York,  
Stifel, Londoño, Solagnier, Leerdam, Dake, Maya Yarza-  
garay, Dania, Sneek, Herts, Commenencia,  
Hous, Schwengle, Maduro, Stede, Jacobs, Angela,  
Romero, Schmidt, Lugo, Diaz, Orman, Ridderstap,  
Zievinger y demas bisinjanan, amigonan, conocirnan y  
amigonan di La Posada/ISAM y Dr. Garcia

Ta invita pa asisti na e acto di entiero cual lo tuma lugar  
diamars 3 di december 2013 na misa Fatima na Dakota  
pa 4'or di atardi, despues lo sali pa Santana central na  
Sabana Basora. E restonan mortal di nos defunto stima  
lo ta reposa for di 2'or di merdia den misa.

Enbes di flor of krans un donacion pa un "Bon Causa" lo  
ta altamente aprecia, lo tin un box den misa pa e bunita  
gesto aki.

Preferibel bini na coloman alegre.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

Habri portanan santu pa mi,  
mi ke drenta y alabá Señor.

Ata e porta di Señor akí,  
tur e fielnan ta pasa den dje.

Mi t'alabá bo pasobra B'a skucha mi,  
pasobra B'a manda mi salbashon.  
Salmo 118; 19, 20, 21

Cu profundo tristeza  
nos ta anuncia fayecimento tragico di:



Antonio Miguel Moreno Belisario  
\*09-02-1973 †28-11-2013

Na nomber di su:

Yuinan:  
Compañera:  
Mama:  
Tata:  
Rumannan:  
Sobrinonan:  
Suegra:  
Compadre y amigo:

Natasha Ainelec y  
Roland Tromp  
Natalea Anelet  
Nicole Ainelyn  
Angelica Cesar  
Celenia Belisario  
Nelson Moreno  
Nelcel La Rocca y familia  
na Atlanta  
Karina Martinez  
Nelson y esposa  
Minoushka Moreno  
Belisario  
Luis Moreno Belisario y  
Nayibe Ojeda  
Daniel Martinez  
Fabiana, Janelviz, Tiara y Jaden  
Beatriz Tortolero  
Yhojan Alvarez y familia

Tur familia na Venezuela, Merca, su clientenan  
di su garashi Solution Auto Care, tur miembro  
di Aruba Softball Bond y demas conocirnan.

Ta invita pa asisti na e acto di entiero cu lo  
tuma lugar diamars 3 di december 2013 na  
Aurora Funeral Home di 9'or pa 11'or di  
mainta, despues lo sali pa Santana central na  
Sabana Basora.


Adres pa condolencia: Aurora Funeral Home,  
dialuna 2 di december 2013 di 7'or pa 9'or di  
anochi.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa tranquil,  
Pa mi bolbe haña forsa".  
Salmo: 23

Cu hopi tristeza pero conforme cu boluntad di Dios, nos  
kier participa fayecimento inesperadamente di nos  
mama, wela, ruman, tanta y suegra stima:



### Maria Filomena Lampe-Croes

mihor conoci como Mena  
\*04-09-1944 †01-12-2013

Na nomber di su:

Esposu:  
Yuinan:  
Rumannan:  
Nieto y nieta:  
Amiganan:  
Sobrinu y sobrinanan, primo y primanan, swa y  
cuñanan, comer y compernan, bisña, amigo y conocir-  
nan,

†Meinhardt Lampe  
Sergio Lampe y familia  
Meinhardt (Juni) y Gislaine Lampe-de  
Cuba na Corsow  
Minoushka (Bella) y Nelson Moreno-  
Lampe,  
Javier Lampe y Sirah Abath  
†Adelberto Croes y yuinan  
†Agnes y Nady Thodé y yuinan  
†Dominico Croes y yuinan  
†Alfonso Croes  
Janny y Raiza Croes y yuinan  
Huberto Croes  
Sergio (Kito) Lampe  
Tiara Moreno  
Francy Edith Luydens-Zapata  
Raiza Croes-Engelhart

Demas familia: Lampe, Croes, Moreno, Henriquez, Kock,  
Bremo, Boekhoudt, Maduro, Franken, Thiel, Loepstok,  
Loefstok, Thodé, de Cuba, Abath, Pedro, Dijkhoff,  
Petrochi, Werleman, Clement, Bullens, de Mey, Falconi,  
Trimon, Brete, Heide, Ras, Scharbaay, Ruiz, Tromp,  
Luydens, Lacle

Ta invita pa asisti na e acto di entiero cu lo tuma lugar  
diaweps 5 december 2013 di 9'or pa 11'or di mainta na  
Aurora Funeral Home y despues lo sali pa Santana  
catolico Pastoor Kraanwinkel na Paradera.

Adres pa condolencia: Aurora Funeral Home. diaranzon  
4 december 2013 di 7'or pa 9'or di anochi.

Nos disculpa si den nos tristeza nos por a lubida un of  
otro familia.

Despues di entiero nos no ta ricibi bishita di condolen-  
cia na cas.



# Paranda di Bochincha, un exito



Despues di varios luna di organizacion, diasabra ultimo Cruz Cora Aruba den cooperacion cu

tacion a pone e di dos Paranda di Bochincha riba cayanan di Aruba. Un parada di truck pa celebra hunto cu tur persona cu

un limitacion e "Dia Internacional pa Persona cu Limitacion". Ya for di 12'or di merdia trucknan a cuminsa yega riba tereno

dilanti RCA na Solito pa asina por cuminsa registra, stel op y wordo dorna cu blaas. Tambe tur e clientenan a cuminsa yega pa asina tuma luga banda di chauffeur y subi caminda 2'or. Cruz Cora kier gradici un y tur cu a haci e dia aki uno inolvidabel pa tur e participantenan aki, specialmente na tur e sponsor: La Cabana Beach Hotel & Casino, Café Maryli, Marieta Wanopa, El Gaucho, Aleda N.V., Click Print, Magic FM, Power FM, G-FM, Cool FM, Compra, Frasa Trading, Man-

rique Capriles, Bright Bakery, Paradise Beach Villas, Tropical Bottling Co., Amazonia, TGI Friday's, Wendy's, Panaderia del Pueblo, Fundacion Clinton Whitfield, D.O.W., RCA y Betty Maduro di Green Hut Snacks. Na tur compania di truck y chauffeurnan cu no a duda pa duna e clientenan aki un atardi inolvidabel tambe masha danki. Por ultimo, Cruz Cora Aruba kier bisa tur boluntario cu a yuda cu e actividad aki, masha danki pa tur e entusiasmo y sosten.